



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-573/22
Sarajevo, 04.04.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 14. sjednici održanoj dana 04.04.2022. godine, usvojilo je

Plan rada Grada Sarajeva za 2022. godinu.

~~PREDSJEDAVAJUĆI~~ GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Plan rada Grada Sarajeva za 2022. godinu

Sarajevo, april 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



UVOD

Programom rada Gradskog vijeća Grada Sarajeva, broj 01-GV-02-1776/21 od 29.12.2021. godine, programirana je tema Plan rada Grada Sarajeva za 2022. godinu.

PROGRAMIRANJE I IZVJEŠTAVANJE O RADU GRADONAČELNICE

PLAN RADA GRADA SARAJEVA ZA 2022. GODINU

Pravni ili drugi osnov: Član 39. stav 1. tačka 9. Statuta Grada Sarajeva

Kratak sadržaj materijala: Plan rada Grada Sarajeva za 2022. godinu bazirat će se na izvršavanju Politike Grada Sarajeva za mandatni period 2021.-2025. i Programu rada Gradskog vijeća Grada Sarajeva za 2022. godinu, kao i izvršavanju programskih ciljeva definisanih zaključcima Gradskog vijeća Grada Sarajeva i obaveza koje proističu iz Budžeta Grada Sarajeva za 2022. godinu

Rok: februar

IZVJEŠTAJ O OSTVARIVANJU POLITIKE GRADA SARAJEVA I AKTIVNOSTIMA GRADONAČELNIKA GRADA SARAJEVA ZA PERIOD 01.01. – 31.12.2022. GODINE

Pravni ili drugi osnov: Član 39. stav 1. tačka 9. Statuta Grada Sarajeva

Kratak sadržaj materijala: Izvještaj će sadržavati aktivnosti gradonačelnice u ostvarivanju i izvršavanju Politike Grada Sarajeva za mandatni period 2021.-2025., Programa rada Gradskog vijeća Grada Sarajeva za 2022. godinu, Programa rada gradonačelnice Grada Sarajeva za 2022. godinu, Budžeta Grada Sarajeva za 2022. godinu i Odluke o izvršavanju Budžeta Grada Sarajeva za 2022. godinu

Rok: mart

STRATEGIJA RAZVOJA GRADA SARAJEVA 2021. – 2027.

Pravni ili drugi osnov: Član 39. Statuta Grada Sarajeva („Službene novine Kantona Sarajevo”, broj 34/08 – prečišćeni tekst)

Kratak sadržaj materijala: Strategija je integrisani, multisektorski strateški dokument Grada Sarajeva kao jedinice lokalne samouprave, koji definiše javne politike i usmjerava socioekonomski razvoj Grada Sarajeva uz vertikalnu usklađenost i koordinaciju sa prioritetima države Bosne i Hercegovine, strategijama razvoja Federacije Bosne i Hercegovine, Kantona Sarajevo i općina u sastavu Grada Sarajeva

Rok: mart

INFORMACIJA O REALIZACIJI VIJEĆNIČKIH PITANJA I INICIJATIVA ZA TEKUĆU GODINU

Pravni ili drugi osnov: Član 148. Poslovnika Gradskog vijeća Grada Sarajeva („Službene novine Kantona Sarajevo”, broj 28/09)

Kratak sadržaj materijala: Informacija sadrži pregled odgovora na vijećnička pitanja i realizaciju inicijativa

Rok: juli

OBLAST OPĆE UPRAVE

Gradska služba za opću upravu i zajedničke poslove će u okviru svoje nadležnosti, preduzimati sve potrebne aktivnosti, a u skladu sa Statutom Grada Sarajeva („Službene novine Kantona Sarajevo“, broj 34/08 – prečišćeni tekst), članom 5. Odluke o organizaciji i djelokrugu organa uprave Grada Sarajeva („Službene novine Kantona Sarajevo“, broj 24/21), kao i Programom rada Gradskog vijeća Grada Sarajeva za 2022. godinu, te izvršavati sve poslove koji joj budu dodijeljeni od strane gradonačelnice Grada Sarajeva, kao rukovodioca jedinstvenog organa uprave.

Rad, unutar Gradske službe za opću upravu i zajedničke poslove, se odvija u pet odsjeka, i to: Odsjek za javne nabavke, Odsjek za pravne i kadrovske poslove, Odsjek za zajedničke poslove, Odsjek za informatičke poslove i Odsjek za poslove pisarnice.

S obzirom da se radi o vrlo specifičnoj službi koja, u svom radu, koristi, prvenstveno drugim službama Gradske uprave, za nesmetano odvijanje njihovog rada, time se plan rada ove službe vezuje, isključivo, za rad drugih službi.

S obzirom na navedeno, u narednom periodu Gradska služba za opću upravu i zajedničke poslove planira sljedeće:

- Odsjek za pravne i kadrovske poslove

Odsjek za pravne i kadrovske poslove će obavljati normativno-pravne i upravne poslove, poslove vezane za upotrebu ljudskih resursa i kadrovsku politiku.

Plan rada Odsjeka za pravne i kadrovske poslove obuhvatit će sve poslove i aktivnosti koji proizilaze iz njegovog utvrđenog djelokruga rada, a mogu se kvalifikovati na poslove i aktivnosti koje se odnose na:

1. Izvršavanje poslova i zadataka u vezi sa obavljanjem normativno-pravnih i upravnih poslova iz djelokruga Odsjeka
2. Izvršavanje poslova i zadataka u vezi sa upravljanjem ljudskim resursima i vođenjem kadrovske politike

- Prema Programu rada Gradskog vijeća Grada Sarajeva za konkretnu godinu, Odsjek za pravne i kadrovske poslove bit će nosilac obrade sljedećih materijala i u rokovima kako slijedi:

a) Odluka o izmjenama i dopunama Odluke o platama i naknadama u organima Grada Sarajeva

Predlagač: Gradonačelnica

Obradivač: Gradska služba za opću upravu i zajedničke poslove

Rok: januar 2022. godine

Pravni ili drugi osnov: Član 60. Zakona o platama i naknadama u organima vlasti Federacije Bosne i Hercegovine („Službene novine Federacije BiH“, br. 45/10, 111/12 i 20/17)

b) Izvještaj o primjeni Odluke o upotrebi grba, imena i isticanju zastave Grada Sarajeva

Predlagač: Gradonačelnica

Obradivač: Gradska služba za opću upravu i zajedničke poslove

Rok: oktobar 2022. godine

Pravni ili drugi osnov: Član 15. Odluke o upotrebi grba, imena i isticanju zastave Grada Sarajeva kojim je propisana obaveza da se jednom godišnje Gradsko vijeće izvještava o donesenim rješenjima o upotrebi grba i imena Grada Sarajeva

c) Izvještaj o stanju u državnoj službi u Gradskoj upravi Grada Sarajeva

Predlagač: Gradonačelnica

Obradivač: Gradska služba za opću upravu i zajedničke poslove

Rok: decembar 2022. godine

Pravni ili drugi osnov: Član 70. stav 2. Zakona o državnoj službi u Kantonu Sarajevo („Službene novine Kantona Sarajevo“, broj 31/16) kojim je propisano da Vlada, gradonačelnik, odnosno načelnik, na kraju svake godine, a i ranije prema potrebi, dostavljaju Skupštini Kantona, Gradskom odnosno općinskom vijeću, izvještaj o stanju u državnoj službi u Kantonu, Gradu, odnosno općini

Ostale normativne aktivnosti iz djelokruga Odsjeka će se vršiti kontinuirano po stvaranju uslova ili po nalogu gradonačelnice Grada Sarajeva.

- Izvršavanje poslova i zadataka u vezi sa upravljanjem ljudskim resursima i vođenjem kadrovske politike

Odsjek će svakodnevno pratiti i primjenjivati propise iz radnih odnosa i penzijsko-invalidskog osiguranja, vršiti pripremanje akata (potvrda, uvjerenja, rješenja...) o pravima, obavezama i dužnostima uposlenika iz radnog odnosa, a za kojima se ukazala potreba i čija priprema nije mogla biti isplanirana.

U okviru navedenih poslova, vršit će se priprema i dostavljanje rješenja kako slijedi:

Plan prijema i obuke pripravnika i volontera – krajnji rok 15. januar

Pravni ili drugi osnov: Pravilnikom o unutrašnjoj organizaciji i sistematizaciji radnih mjesta organa uprave Grada Sarajeva i Stručnih službi Grada Sarajeva, propisana je obaveza donošenja Plana prijema i obuke pripravnika za tekuću godinu, Planom se određuje broj pripravnika i volontera koji se primaju u organ uprave, te definiše struktura pripravnika i volontera.

Rješenja o ocjenjivanju državnih službenika i namještenika – krajnji rok kraj marta

Pravni ili drugi osnov: U članu 41. Zakona o državnoj službi u Kantonu Sarajevo („Službene novine Kantona Sarajevo“, broj 31/16) propisana je obaveza ocjene rada državnog službenika najmanje jedanput godišnje, kao i u članu 34. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05) propisano je da rad namještenika podliježe ocjenjivanju svake godine.

Priprema Plana godišnjih odmora – krajnji rok maj

Pravni ili drugi osnov: U članu 49. Zakona o državnoj službi u Kantonu Sarajevo („Službene novine Kantona Sarajevo“, broj 31/16) predviđena su prava na odsustva i godišnje odmora. Članom 52. stav 1. Zakona o radu („Službene novine Federacije BiH“, broj 26/16) propisana je obaveza poslodavca da utvrdi plan godišnjih odmora uz prethodnu konsultaciju sa radnicima ili njihovim predstavnicima uzimajući u obzir potrebe posla, kao i opravdane razloge radnika. Također, članom 49. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05) utvrđena je obaveza organa državne službe da za svaku kalendarsku godinu utvrdi plan korištenja godišnjih odmora, u kojem se za svakog uposlenika određuje dužina godišnjeg odmora, a onda raspored ili tačno vrijeme korištenja godišnjeg odmora.

Priprema rješenja o korištenju godišnjeg odmora – krajnji rok 30. juni

Pravni ili drugi osnov: Obzirom da su zakonom utvrđene obaveze donošenja Plana godišnjih odmora za tekuću godinu, u skladu sa istim potrebno je pristupiti izradi rješenja za korištenje godišnjeg odmora i uručiti uposleniku 15 dana prije planiranog otpočinjanja korištenja godišnjeg odmora.

Priprema izrade Nacrta Budžeta Grada Sarajeva kao i DOB-a – rok: oktobar

Pravni ili drugi osnov: U cilju blagovremenog prikupljanja svih materijala, podataka i relevantnih informacija, kao i dužeg roka za javnu raspravu Nacrta Budžeta Grada Sarajeva utvrđena je obaveza gradonačelnika/ce da u skladu sa Programom rada Gradskog vijeća Grada Sarajeva pristupi izradi Nacrta Budžeta Grada Sarajeva.

Priprema Odluke o odobravanju novčanih sredstva za potrebe obuke uposlenih i izabranih zvaničnika u organima Grada Sarajeva, u skladu sa Programom stručnog usavršavanja za uposlene u jedinicama lokalne samouprave – rok: januar

Odsjek će pratiti programe obuke Agencije za državnu službu FBiH, učestvovati na sastancima sa UNDP-om i ADSFBiH oko evaluacije dosadašnje saradnje i pripreme programa za naredni period, kao i na javnim raspravama zakona koji se primjenjuju u Odsjeku i koji su od značaja za rad. U skladu sa potrebama i zvanjem, predlagat će se i prijavljivati državni službenici i namještenici na obuke u raznim oblastima.

- Odsjek za javne nabavke – Provođenje procedura javnih nabavki

U skladu sa zakonskom obavezom o izradi Plana javnih nabavki ugovornog organa, Gradonačelnica Grada Sarajeva će, usvojiti Plan javnih nabavki, a na osnovu Budžeta Grada Sarajeva i isti objaviti na Web stranici Grada Sarajeva u roku od 60 dana od dana usvajanja Budžeta, a Odsjek će provoditi procedure javnih nabavki, u skladu sa usvojenim Planom.

- Odsjek za poslove pisarnice

U Odsjeku za poslove pisarnice će se odvijati poslovi predviđeni i propisani zakonskim i podzakonskim aktima koji se odnose na kancelarijsko i arhivsko poslovanje u organima uprave i službama za upravu u Federaciji BiH.

Svi poslovi se obavljaju uspostavljenom elektronske obrade podataka.

Također će se, u narednoj 2022. godini, nastojati reorganizovati rad pisarnice, te u potpunosti uskladiti sa važećom Uredbom o kancelarijskom poslovanju, tako što će se, pored elektronskog vođenja predmeta, kretanje i arhiviranje predmeta voditi putem knjige, odnosno, fizičkim zaduživanjem državnih službenika i namještenika, predmetima koji se zaprimu u pisarnici, do samog arhiviranja istih, čime će se dovesti do potpune odgovornosti za svaki predmet.

- Odsjek za zajedničke poslove

- Poslovi koji će se obavljati u sklopu Odsjeka za zajedničke poslove prevashodno će se odnositi na poslove koji su organizaciono i tehnički vezani za sve službe, i to:
- Održavanje službenih vozila (nadzor o registraciji i osiguranju kao i kasko osiguranju službenih vozila, praćenje održavanja i servisiranja službenih vozila, nadzor čišćenja i pranja službenih vozila);
- Izdavanje putnih naloga (svaki mjesec i po potrebi), nadzor svih putnih naloga, računa i troškova službenih vozila kao i arhiviranje istih;
- Dorada i izrada novih pravilnika (Pravilnik o korištenju službenih automobila, pravilnik o korištenju mobilnih aparata);
- Nabavka i distribucija kancelarijskog materijala kao i poslovi umnožavanja materijala;
- Nabavka štampe materijala za potrebe Grada Sarajeva;
- Poslovi organizacije i suorganizacije javnih manifestacija (kontinuirano);
- Program investicijskog održavanja objekata, održavanje unutrašnjosti (kontinuirano).

- Odsjek za informatičke poslove

U odsjeku za informatičke poslove planirani poslovi u narednom periodu odnose se na:

- Elektronsko vođenje jedinstvene evidencije imovine u vlasništvu organa uprave Grada Sarajeva i projekata organa uprave Grada Sarajeva;
- Sačinjavanje plana ekonomske iskoristivosti računarske, programske, komunikacione i druge prateće opreme, kao i potreba zamjene novom opremom;
- Ažuriranje evidencije servera, radnih stanica, prateće opreme, konfiguracije lokalnih mreža, te sigurnosnih postavki kao i administriranje i zaštita informacionog sistema;
- Održavanje internet web-stranice;
- Poslovi vezani za provođenje pravilnika o korištenju službenih telefona, odjava i prijava telefonskih brojeva, naručivanje novih mobilnih aparata;
- GPS praćenje službenih vozila;

- Edukacija korisnika računarske, programske, komunikacione i druge prateće opreme;
- Razvoj korištenja i upotrebe OWIS sistema, kao i eventualno uvođenje potpuno novog sistema.

OBLAST MEĐUNARODNE SARADNJE

Program međunarodne saradnje Grada Sarajeva za 2022. godinu sadrži ciljeve međunarodne saradnje Grada Sarajeva za 2022. godinu, teme iz Programa rada Gradskog vijeća Grada Sarajeva za 2022. godinu, iz oblasti *Saradnja i udruživanje* te plan aktivnosti u oblasti međunarodne saradnje za 2022. godinu.

Aktivnosti gradonačelnice Grada Sarajeva u oblasti međunarodne saradnje tokom 2022. godine odvijat će se:

- na bilateralnom nivou u formi saradnje sa pobratimskim, partnerskim i drugim gradovima i međunarodnim institucijama;
- na multilateralnom nivou kroz učestvovanje u radu međunarodnih asocijacija čiji je Grad Sarajevo član i organizovanje ili učestvovanje u međunarodnim skupovima od značaja za Grad Sarajevo, kao i okupljanjem više gradova oko projekta od zajedničkog interesa i
- kroz saradnju sa diplomatsko-konzularnim predstavništvima sa sjedištem u BiH izvan nje i međunarodnim organizacijama i specijalnim misijama u BiH.

Aktivnosti će biti usmjerene ka poticanju novih i unaprjeđenju već postojećih kontakata sa prijateljskim gradovima te ka proširenju i na gradove s kojima dosad nije bilo kontakata, na glavne gradove država iz regiona, Evrope i svijeta, kao i glavne gradove zemalja kandidatkinja za članstvo u EU i država članica EU.

Posebna pažnja bit će posvećena projektima koji potiču saradnju, razmjenu iskustava i primjenu dobre prakse i najboljih rješenja u različitim oblastima poput razvoja „pametnog grada“ kao prioriteta, digitalizacije i e-upravljanja, održive urbane mobilnosti, zaštite okoliša, poticanja privredne i kulturne saradnje, saradnje u oblasti obrazovanja, turizma, sporta, revitalizacije i uređenja kulturno-historijskih objekata, korištenja fondova pretprijetne pomoći EU, prilagođavanja i implementacije evropskih i svjetskih standarda u svim oblastima.

U svrhu daljnje afirmacije glavnog grada BiH kao političkog, privrednog, kulturnog, sportskog i turističkog centra regije i Evrope uopće te povećanja vidljivosti Sarajeva na međunarodnom planu, posebna pažnja bit će posvećena sljedećim ciljevima:

- Razvijanju i intenziviranju postojećih kontakata i saradnje sa pobratimskim, prijateljskim i drugim gradovima i međunarodnim institucijama.
- Jačanju saradnje s glavnim gradovima država iz regiona, Jugoistočne Evrope, zemalja kandidatkinja za članstvo u EU i država članica EU i uspostavljanje saradnje sa gradovima Evrope i svijeta sa kojima do sada nije uspostavljena saradnja, a za koje se pokaže interes.
- Realizaciji preuzetih obaveza, zajedničkih inicijativa i konkretnih projekata definisanih u sporazumima o saradnji sa pobratimskim, partnerskim i drugim gradovima i institucijama.
- Unaprjeđenju postojeće međuparlamentarne saradnje i uspostavljanju saradnje s gradskim vijećima pobratimskih, prijateljskih i drugih gradova.
- Saradnju sa gradovima ne ograničiti samo na razmjene posjeta zvaničnih delegacija, već je osnažiti kroz konkretne projekte i susrete građana.
- Iniciranju i razvijanju saradnje sa bosanskohercegovačkom dijasporom.
- Poticanju privredne saradnje sa pobratimskim i partnerskim gradovima.

- Učestvovanju u radu međunarodnih asocijacija čiji je Grad Sarajevo član.
- Organizovanju ili učestvovanju u međunarodnim skupovima od interesa i značaja za Grad Sarajevo.
- Apliciranju na fondove pretprikladne pomoći Evropske unije i druge fondove.
- Saradivanju i koordiniranju međunarodne aktivnosti sa državnim institucijama BiH radi bolje promocije Grada Sarajeva i BiH.
- Koordiniranju međunarodne aktivnosti sa Kantonom Sarajevo i gradskim općinama.
- Saradivanju sa diplomatsko-konzularnim predstavništvima u BiH i izvan nje.

U skladu sa Programom rada Gradskog vijeća Grada Sarajeva za 2022. godinu, u oblasti saradnja i udruživanje, realizovat će se sljedeće aktivnosti:

Izveštaj o aktivnostima Grada Sarajeva u oblasti međunarodne saradnje u 2021. godini.

Pravni ili drugi osnov za izradu: Član 74. stav 1. Statuta Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: februar

Odluka o davanju saglasnosti na Memorandum o saradnji Grada Sarajeva i Saveza BH dijaspora.

Pravni i drugi osnov: Član 26. stav 1. tačka 2. Statuta Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: mart (nacrt)

Odluka o davanju saglasnosti gradonačelnici Grada Sarajeva za potpisivanje Memoranduma o saradnji između Grada Sarajeva, NVO „Naša perspektiva“ i „Sarajevske regionalne razvojne agencije (SERDA)

Pravni i drugi osnov: Član 26. stav 1. tačka 2. Statuta Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: april (nacrt)

Informacija o mogućoj saradnji Grada Sarajeva s JU Collegium Artisticum s ciljem razmjene umjetnika i umjetničkih događaja u projektima međunarodne saradnje Grada Sarajeva

Pravni i drugi osnov: Statut Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: april (prijedlog)

Odluka o davanju saglasnosti na Memorandum o saradnji Grada Sarajeva i Saveza BH dijaspora.

Pravni i drugi osnov: Član 26. stav 1. tačka 2. Statuta Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: juli (prijedlog)

Odluka o davanju saglasnosti gradonačelnici Grada Sarajeva za potpisivanje Memoranduma o saradnji između Grada Sarajeva, NVO „Naša perspektiva“ i „Sarajevske regionalne razvojne agencije (SERDA)

Pravni i drugi osnov: Član 26. stav 1. tačka 2. Statuta Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: juli (prijedlog)

Odluka o davanju saglasnosti na Memorandum o saradnji Grada Sarajeva s Memorijalom u Nürnbergu.

Pravni i drugi osnov: Član 74. stav 1. Statuta Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: septembar (prijedlog)

Program međunarodne saradnje Grada Sarajeva za 2023. godinu (nacrt).

Pravni ili drugi osnov za izradu: Član 74. stav 1. Statuta Grada Sarajeva

Predlagač: Komisija za međunarodnu saradnju

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: oktobar (nacrt)

Program saradnje sa dijasporom za 2023. godinu (prijedlog). Skraćeni postupak.

Pravni i drugi osnov: Član 74. stav 1. Statuta Grada Sarajeva

Predlagač: Komisija za međunarodnu saradnju

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: novembar (prijedlog)

Odluka o davanju saglasnosti na Memorandum o saradnji Grada Sarajeva i Auschwitz Memorijala.

Pravni ili drugi osnov za izradu: Član 74. stav 1. Statuta Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: novembar (prijedlog)

Program međunarodne saradnje Grada Sarajeva za 2023. godinu (prijedlog).

Pravni ili drugi osnov za izradu: Član 74. stav 1. Statuta Grada Sarajeva

Predlagač: Komisija za međunarodnu saradnju

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: decembar (prijedlog)

Informacija o privrednoj saradnji Grada Sarajeva sa pobratimskim i partnerskim gradovima.

Pravni ili drugi osnov za izradu: Član 74. stav 1. Statuta Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: decembar

Odluka o davanju saglasnosti na Memorandum o saradnji Grada Sarajeva s Informativnim centrom o međunarodnom krivičnom sudu za Ruandu u Aruši (Ruanda).

Pravni i drugi osnov: Član 74. stav 1. Statuta Grada Sarajeva

Predlagač: Gradonačelnica

Nosilac izrade: Stručna služba gradonačelnice Grada Sarajeva/Odjeljenje za međunarodnu saradnju

Rok za izradu, odnosno razmatranje: kad se steknu uslovi

Plan aktivnosti predviđenih za realizaciju tokom 2022. godine, uključuje:

Obilježavanje godišnjica saradnje sa pobratimskim i prijateljskim gradovima u skladu sa dogovorom i epidemiološkim mjerama koje budu na snazi.

Posjeta inostranih delegacija povodom 6. aprila – Dana grada Sarajeva. Grad Sarajevo poziva pobratimske i prijateljske gradove da prisustvuju obilježavanju 6. aprila – Dana grada Sarajeva.

Službena posjeta Gradu Oswiecimu (Republika Poljska).

Mjesto i vrijeme: Oswiecim, maj 2022. godine.

Obilježavanje 9. maja – Dana Evrope i Dana pobjede nad fašizmom.

Mjesto i termin: Vijećnica, 09.05.2022. godine.

Festival Regionalne unije teatar (RUTA) Grupa Triglav.

Mjesto i termin: Sarajevo, druga polovica maja 2022. godine.

Obilježavanje 80. godišnjice smrti češkog arhitekta Karla Paržika koji je dao veliki doprinos urbanizaciji i izgradnji Sarajeva. Obilježavanje u zajedničkoj organizaciji Grada Sarajeva i Ambasade Republike Češke.

Mjesto i vrijeme: Sarajevo, juni 2022. godine.

Tradicionalne posjete gradovima povodom obilježavanja „Dana grada“ ili sličnih manifestacija.

Podsticanje saradnje i uvezivanje predstavnika Gradskog vijeća Grada Sarajeva s predstavnicima gradskih vijeća pobratimskih, prijateljskih i drugih gradova.

Priprema i realizacija posjeta predstavnika prijateljskih, pobratimskih i drugih gradova i međunarodnih institucija Gradu Sarajevu i predstavnika Grada Sarajeva prijateljskim, pobratimskim i drugim gradovima i međunarodnim institucijama.

Učestvovanje u aktivnostima međunarodnih asocijacija čiji je Grad Sarajevo član i u ostalim asocijacijama. Učešće Grada Sarajeva u aktivnostima međunarodnih asocijacija čiji je član i ostalim asocijacijama.

Saradnja s diplomatsko-konzularnim predstavništvima u BiH i izvan BiH.

Osim navedenog, gradonačelnica Grada Sarajeva učestvovat će i u drugim aktivnostima iz oblasti međunarodne saradnje za koje se procijeni da su od značaja za Grad Sarajevo, koje nisu predviđene Programom rada, ali su sastavni dio međunarodne saradnje Grada Sarajeva i važne su za razmjenu znanja i iskustava.

ODJELJENJE ZA INFORMISANJE

Odjeljenje za informisanje će i tokom 2022. godine, a što mu je i zadaća, putem medija: štampe, televizije, radija, portala, kao i službene web-stranice Grada i društvenih mreža Grada Sarajeva, informisati javnost o aktivnostima i razvojnim projektima koje vodi i realizuje aktuelna gradska

administracija na čelu sa gradonačelnicom, kako bi rad Gradske uprave učinili transparentnim i podložnim ocjeni javnosti.

Aktivnosti informisanja podrazumijevaju pripremanje i plasiranje obavijesti i saopćenja sa fotografijama za medije, priprema i organizovanje press konferencija, izjava za medije, intervju i gostovanja u medijima, svakodnevno vođenje press-klipinga, obezbjeđivanje odgovora na upite i zahtjeve medija, odnosno reagovanje na određene događaje ili demante na objavljene netačne navode, potom priprema uvodnih izlaganja, obezbjeđivanje odgovora na upite i zahtjeve u skladu sa Zakonom o slobodi pristupa informacijama u FBiH, svakodnevno ažuriranje web-strane Grada Sarajeva i društvenih mreža Grada Sarajeva.

Koristeći komunikacijske alate i poruke, Odjeljenje će građanima prezentovati ključne poruke i važne događaje i gradske projekte:

- promocija i promotivne kampanje u medijima s ciljem informisanja javnosti o aktivnostima vezanim za realizaciju aktuelnih i planiranih kapitalnih razvojnih i infrastrukturnih projekata Grada Sarajeva, zatim o prigodnim manifestacijama i godišnjicama, te kulturnim, obrazovnim, sportskim, turističkim i drugim događajima od interesa za Grad Sarajevo;
- informisanje o redovnim aktivnostima gradonačelnice i njenih zamjenika (prijemi domaćih i međunarodnih dužnosnika, potpisivanje sporazuma/ugovora, sastanci o aktuelnim temama);
- Odjeljenje će nastaviti da medijski promoviše konkretne oblike saradnje Grada Sarajeva sa bh. gradovima, pobratimskim i partnerskim gradovima, ali i ostalim gradovima regije, Evrope i svijeta, te domaćim i međunarodnim institucijama, organizacijama i asocijacijama;
- Praćenje zajedničkih aktivnosti i projekata sa nevladinim sektorom;
- informisanje o projektima koje Grad Sarajevo realizuje u okviru Programa prekogranične saradnje, a uz finansijsku podršku EU;
- promovisanje sadržaja i događaja koji zavređuju svoju promociju, a održavaju se u Vijećnici, Olimpijskom muzeju, Informativnom centru o MKSJ Sarajevo i Trebevičkoj žičari;
- svakodnevno ažuriranje web stranice Grada Sarajeva (www.sarajevo.ba) u cilju pravovremene i kvalitetne informisanosti javnosti;
- aktivnosti na društvenim mrežama Grada Sarajeva – oglašavanje i komunikacija na društvenim mrežama: Facebook – objave informacija i fotografija o aktivnostima i projektima; Instagram – objave foto i video aplikacija, Youtube – objave video klipova.

URBANO PLANIRANJE INVESTICIJE I STAMBENI POSLOVI

Program rada Gradonačelnice i glavni pravci djelovanja u oblasti urbanog planiranja i upotrebe lokalnog zemljišta za 2020. godinu zasnovani su na temelju općih pravnih akata donesenih od strane Grada Sarajeva, Kantona Sarajevo i Federacije Bosne i Hercegovine, prije svega, Statuta Grada

Sarajeva, Zakona o prostornom uređenju Kantona Sarajevo, te Zakona o prostornom planiranju i korištenju zemljišta na nivou Federacije BiH, a obuhvataju sljedeće:

- Vođenje aktivnosti na pripremi, izradi i donošenju provedbeno-planskih dokumenata za područje četiri gradske općine čije su aktivnosti započele do 30.06.2017. godine, odnosno donesene odluke o pristupanju izradi planskih dokumenata na Gradskom vijeću Grada Sarajeva;
- Praćenje stanja u oblasti urbanog planiranja i upotrebe lokalnog zemljišta te preduzimanje mjera za poboljšanje stanja;
- Rješavanje u upravnom postupku po zahtjevima stranaka, koji se odnose na izdavanje urbanističkih saglasnosti, odobrenja za građenje, upotrebnih dozvola, kao i drugih akata u skladu sa odredbama Zakona o prostornom uređenju Kantona Sarajevo, te Zakona o upravnom postupku;
- Uključenost Grada, kao subjekta planiranja, u izradu provedbeno-planskih dokumenata koji su u nadležnosti općina.

PROVEDBENO-PLANSKA DOKUMENTACIJA:

1. Regulacioni plan „Brdo Hrasno“ (Prijedlog)

Cilj izrade Plana je preispitivanje prostornih mogućnosti područja za interpolaciju nove gradnje imajući u vidu uslove stabilnosti terena, uvažavajući postojeće stanje, legalizaciju postojeće stambene izgradnje, planiranje kvalitetnijeg saobraćajnog rješenja, opremanje područja društvenom infrastrukturom, te potrebnom mrežom komunalne i energetske infrastrukture.

2. Regulacioni plan „Sarajevogas – Bosnalijek“ (Prijedlog)

Razlog pristupanju izradi novog Plana je usklađivanje provedbeno-planske dokumentacije sa planovima višeg reda, uz preispitivanje kapaciteta privrednih subjekata, te planiranje saobraćajne, komunalne i energetske infrastrukture.

3. Regulacioni plan „Kvadrant C – Marijin Dvor“ (Prijedlog)

Cilj izrade Plana je preispitati ranija planska rješenja koja nisu realizovana i predložiti nova, vodeći računa o postojećim imovinsko-pravnim odnosima. Ukupna urbanistička kompozicija će se tako koncipirati da može obezbijediti sklad između novih arhitektonskih masa, posebno stavljajući akcent na kompoziciju ukupne ulične fasade, prema ulici Zmaja od Bosne i Vilsonovom šetalištu.

4. Regulacioni plan „Halilovići I“ (Nacrt)

Plan se radi u cilju urbanog uređenja prostora kroz preispitivanje prostornih mogućnosti za novu izgradnju, integraciju zatečenog građevinskog fonda, uz mogućnost rekonstrukcije i zamjene građevinskog fonda, opremanje područja adekvatnom društvenom, saobraćajnom i komunalnom infrastrukturom, uvažavajući postojeću parcelaciju i vlasničke odnose.

5. Regulacioni plan „Alipašin Most V“ (Nacrt)

Izradom Plana obezbijedit će se provedbeno planska dokumentacija usaglašena sa namjenom Prostornog plana Kantona Sarajevo za period 2003. do 2023. godine, prema kojoj se pored radno-

poslovne uvodi i stambena namjena. Plan se radi u cilju urbanog uređenja prostora kroz preispitivanje prostornih mogućnosti za novu izgradnju, integraciju zatečenog građevinskog fonda, uz mogućnost rekonstrukcije i zamjene građevinskog fonda, opremanje područja adekvatnom društvenom, saobraćajnom i komunalnom infrastrukturuom, uvažavajući postojeću parcelaciju i vlasničke odnose.

6. Regulacioni plan „Alipašin Most VI“ (Nacrt)

Plan se radi u cilju urbanog uređenja prostora kroz preispitivanje prostornih mogućnosti za novu izgradnju, integraciju zatečenog građevinskog fonda, uz mogućnost rekonstrukcije i zamjene građevinskog fonda, planiranje stambene izgradnje proporcionalno broju stanovnika, opremanje područja adekvatnom društvenom, saobraćajnom i komunalnom infrastrukturuom, sadržajima sporta i rekreacije, uvažavajući postojeću parcelaciju i vlasničke odnose.

S obzirom da se prostor u granicama planiranja nalazi u kontaktu sa prostornim cjelinama RTV, Alipašin most I, Alipašin most V i Halilovići I, neophodno ga je planerski posmatrati kao jedinstvenu funkcionalnu cjelinu.

7. Regulacioni plan „Alipašin Most I“ (Nacrt)

S obzirom da se prostor u granicama planiranja nalazi u kontaktu sa prostornim cjelinama RTV, Alipašin most V, Alipašin most VI i Halilovići I, kroz izradu Plana se usaglašavaju urbanističko-arhitektonski, funkcionalno-oblikovni, saobraćajni i komunalni uslovi sa kontaktnim područjem, posmatrajući ga u kontinuitetu kao jedinstvenu funkcionalnu cjelinu.

8. Regulacioni plan „RTV“ (Nacrt)

Plan se radi u cilju urbanog uređenja prostora kroz preispitivanje prostornih mogućnosti za novu izgradnju, integraciju zatečenog građevinskog fonda, uz mogućnost rekonstrukcije i zamjene građevinskog fonda, planiranje stambene izgradnje proporcionalno broju stanovnika, opremanje područja adekvatnom društvenom, saobraćajnom i komunalnom infrastrukturuom, sadržajima sporta i rekreacije, uvažavajući postojeću parcelaciju i vlasničke odnose.

9. Regulacioni plan „Centar – Novo Sarajevo“ (Nacrt)

Izradom novog Plana neophodno je izvršiti usklađivanje namjene prostora u obuhvatu Plana sa namjenom definisanom planom višeg reda, kroz preispitivanje: stanja u području planiranja, podnesenih zahtjeva i iskazanih interesa građana putem mjesnih zajednica i zahtjeva potencijalnih investitora za novim intervencijama u prostoru. Shodno tome, potrebno je u skladu sa normativima preispitati i kapacitete društvene infrastrukture, saobraćajno rješenje, te mrežu komunalne i energetske infrastrukture.

10. Izmjene i dopune Regulacionog plana „Gradski centar Marijin Dvor“ za lokalitet Kvadrant „B“ (Nacrt)

Cilj izrade Plana je urbano uređenje prostora kroz preispitivanje prostornih mogućnosti za novu izgradnju i zamjenu građevinskog fonda, kao i formiranje šetnice uz rijeku Miljacku, uzimajući u obzir atraktivnost lokaliteta u centru grada uz uvažavanje postojeće parcelacije i vlasničkih odnosa. Odluka o izmjenama i dopunama Odluke o pristupanju izradi Izmjena i dopuna Regulacionog plana „Gradski centar Marijin Dvor“ za lokalitet Kvadrant „B“, donesena je 2019. godine.

11. Regulatorni plan „Gornje Telalovo polje I” (Nacrt)

Plan se radi u cilju obezbjeđenja planske osnove za urbano uređenje prostora kroz preispitivanje prostornih mogućnosti za novu izgradnju, integraciju zatečenog građevinskog fonda, mogućnost rekonstrukcije i zamjene građevinskog fonda, opremanje područja adekvatnom saobraćajnom i komunalnom infrastrukturom, uvažavajući postojeću parcelaciju i vlasničke odnose. U toku je izrada Strategijske procjene uticaja na okoliš. Zavod za planiranje razvoja Kantona Sarajevo, je putem javne nabavke odabrao najpovoljnijeg ponuđača za izradu Strategijske procjene uticaja na okoliš. Prilikom izrade Strategijske procjene uticaja na okoliš, potrebno je definisati namjenu područja, odnosno djelatnosti koje se tu mogu obavljati, te u skladu s tim propisati adekvatne mjere i uslove neophodne za zaštitu okoliša.

12. Izmjene i dopune Regulatornog plana „Hepok – Čengić Vila III” (skraćeni postupak) (Prijedlog)

Cilj izrade Plana je preispitivanje planiranih rješenja, u smislu davanja mogućnosti racionalnijeg rješenja gradnje i adekvatnog rješenja za saniranje klizišta u Gradačačkoj ulici.

S obzirom da se predloženim izmjenama i dopunama bitno ne mijenja osnovni koncept važećeg planskog dokumenta, shodno Zakonu o prostornom uređenju Kantona Sarajevo, Plan se radi po skraćenom postupku.

13. Regulatorni plan „Reljevo” (Prijedlog)

S obzirom da za ovo područje nema provedbene planske dokumentacije, ovim planskim dokumentom su preispitane prostorne mogućnosti područja i stvoreni uslovi za uređenje prostora, integraciju zatečenog građevinskog fonda, novu izgradnju, obezbjeđenje nedostajućih kapaciteta društvene infrastrukture, te opremanje područja potrebnom saobraćajnom, energetskom i komunalnom infrastrukturom.

ELABORATI

a) Elaborat o izradi slobodnostojećih reklamnih panoa i slobodnostojećih displeja na javnim površinama

Shodno Zakonu o privremenom korištenju javnih površina na području Kantona Sarajevo („Službene novine Kantona Sarajevo“, br. 20/04, 26/12, 32/12, 24/15), ugovorena je izrada Elaborata o privremenom korištenju javnih površina za potrebe postavljanja slobodnostojećih reklamnih panoa i slobodnostojećih displeja, sa Nosiocem izrade – Zavodom za planiranje razvoja Kantona Sarajevo. Usvajanje istog od strane Gradskog vijeća se očekuje u 2022. godini, uz prethodno pribavljanje mišljenja općinskih vijeća sve 4 gradske općine.

b) Elaborat – lokacije za slobodnostojeće otvorene bašte

Izrada Elaborata-lokacije za slobodnostojeće otvorene bašte na javnim površinama, shodno Zakonu o privremenom korištenju javnih površina na području Kantona Sarajevo („Službene novine Kantona Sarajevo“, br. 20/04, 26/12, 32/12, 24/15) je ugovorena sa Nosiocem izrade Zavodom za planiranje razvoja Kantona Sarajevo.

Usvajanje istog od strane Gradskog vijeća se očekuje u 2022. godini, uz prethodno pribavljanje mišljenja općinskih vijeća sve 4 gradske općine.

c) Elaborat – lokacije za postavljanja kioska

Izrada Elaborata – lokacije za postavljanje kioska na javnim površinama, shodno Zakonu o privremenom korištenju javnih površina na području Kantona Sarajevo („Službene novine Kantona Sarajevo“, br. 20/04, 26/12, 32/12, 24/15) ugovorena je sa Nosiocem izrade Zavodom za planiranje razvoja Kantona Sarajevo.

Usvajanje istog od strane Gradskog vijeća se očekuje u 2022. godini, uz prethodno pribavljanje mišljenja općinskih vijeća sve 4 gradske općine.

KAPITALNI PROJEKTI

BICIKLISTIČKA STAZA

Projekat izgradnje biciklističke staze na području Grada Sarajeva predstavlja jedan od kapitalnih višegodišnjih projekata kojim je planirana izgradnja gradske biciklističke longitudinalne koja će u budućnosti biti osnova za dalje širenje mreže biciklističkih staza na području grada.

Projekat se izvodi u fazama, po dobivanju odobrenja za građenje, odnosno po gradskim općinama.

Do sada je izgrađeno ukupno cca 10 km biciklističke infrastrukture na području općina Novo Sarajevo i Novi Grad.

Trenutno se izvode radovi na biciklističkoj stazi do III do VI transverzale na području općine Novo Sarajevo te su pokrenute radnje na produženju građevinske dozvole za krak biciklističke staze na lokaciji VI transverzale (most bosansko-malezijskog prijateljstva), kako bi se moglo pristupiti realizaciji koja je planirana u 2022. godini.

BICIKLISTIČKA STAZA PALE – SARAJEVO

Projekat se realizuje u skladu sa Memorandumom o međusobnoj saradnji potpisanim između Grada Sarajevo, Grada Istočno Sarajevo, Općine Stari Grad i Općine Istočni Stari Grad, na dionici Sarajevo – Pale. Shodno projektu koji će se izraditi u 2022., u periodu 2022.-2024. planirana je realizacija izgradnje biciklističke staze po trasi stare uskotračne željezničke pruge Sarajevo – Pale u dužini od cca 15km sa sanacijom postojećih tunela i mostova.

ZGRADA BIVŠE SDK

Ugovor za izradu Glavnog projekta rekonstrukcije i adaptacije zgrade bivše SDK kod Vječne vatre je nakon provedene procedure javne nabavke za izradu projektne dokumentacije sklopljen sa konzorcijem: Arhiplus d.o.o. Mostar, Habitat d.o.o. Mostar i Urbing d.o.o. Sarajevo. Vrijednost Ugovora je 391.000,00 KM bez PDV-a. Do sada su vršene aktivnosti na prethodnim istražnim radovima. U 2022. godini očekuje se završetak kompletne projektne dokumentacije.

ASTRONOMSKI OPSERVATORIJI TREBEVIĆ

Gradsko Vijeće je na inicijativu Gradonačelnice usvojilo Odluku o pristupanju projektu obnove i restauracije astronomskog opservatorija Trebević („Službene novine Kantona Sarajevo“, broj 27/21).

Grad Sarajevo je opredijeljen da obnovi ovaj kompleks te da ga vrati na uslugu naučnoj zajednici i građanima Sarajeva. Kao optimalno rješenje za ovaj projekat smatramo ideju da se ovaj kompleks izgradi kao „Astro Park Trebević“.

U 2022. godini planiraju se aktivnosti na rješavanju imovinsko-pravnih odnosa, izrada studije opravdanosti obnove Astronomskog opservatorija Trebević te izrada projektnog zadatka sa jasno definisanim sadržajima, koje obnovljeni kompleks treba obuhvatiti.

KANALIZACIJA TREBEVIĆ

Projekat izrade kanalizacionog sistema, odnosno sistema odvodnje fekalnih voda iz objekata gornje stanice Trebevićke žičare i ugostiteljsko poslovnog objekta Vidikovac je jedan od ključnih projekata za završetak cjelokupnog projekta revitalizacije Trebevića koji podrazumijeva rekonstrukciju Trebevićke žičare i proširivanje ugostiteljske ponude kroz izgradnju, odnosno rekonstrukciju ugostiteljsko poslovnog objekta Vidikovac.

Uzimajući u obzir navedeno Grad Sarajevo je pristupio projekatu izrade kanalizacionog sistema Vidikovac – Čolina kapa kao jedinom pravom i održivom rješenju odvodnje fekalnih voda sa objekata Vidikovac i dolazne stanica žičare, ali i rješavanju problema nepostojanja kanalizacionog sistema na čitavom Trebevičkom platou, jer su planirane tehničke mogućnosti da se na novi cjevovod priključe svi postojeći objekti na Trebeviću, čime bi se riješio veliki okolinski i higijensko-epidemiološki problem.

U sklopu ovih aktivnosti izrađen idejni/glavni projekat prema načelnoj saglasnosti KJKP VIK – pogon kanalizacija, na koji su dobivene pozitivne saglasnosti od Ministarstva prostornog uređenja, građenja i zaštite okoliša KS, Zavoda za planiranje razvoja KS, Zavod za zaštitu kulturno historijskog naslijeđa KS.

Po ishodovanju odobrenja za građenje nadležnog organa, planirana je realizacija ovog projekta. Za isti su obezbjeđena sredstva u Budžetu Grada Sarajeva za 2022. godinu te kreditna sredstva Razvojne banke FBiH, sveukupno u iznosu od 1.400.000 KM.

BOB STAZA

Olimpijska staza za bob i sanjkanje na Trebeviću je neizostavan simbol Grada. Izgrađena je 1982. godine nakon što je Sarajevu povjerena organizacija ZOI 1984. godine. Nakon igara, staza je korištena za takmičenja u sklopu Svjetskog kupa. Dužina bob staze iznosi 1300m, ima 13 krivina i prosječnog je nagiba od 10,2 %. Tokom proteklog rata je značajno oštećena.

Grad Sarajevo je opredijeljen da obnovi Bob stazu, kako bi ista značajno unaprijedila sadržaje na planini Trebević, i ujedno omogućila odvijanje takmičarskih, trenažnih i rekreativnih aktivnosti.

S toga će Grad Sarajevo pokrenuti aktivnosti na rješavanju imovinsko-pravnih odnosa, pribavljanju projekta obnove Bob staze, potrebnih dozvola i stavljanje iste u funkciju. U 2022. godini planirane su aktivnosti u pogledu izrade studije opravdanosti obnove te rješavanju imovinsko-pravnih odnosa, izrade projektnog zadatka za potrebe izrade projektno-tehničke dokumentacije.

ILUMINACIJA OBJEKATA GRADITELJSKOG NASLIJEĐA

Izrađeni su Glavni projekti iluminacije objekata (autori prof. Srđa Hrisafović i Jasmina Memić, firma Luminatico dd Sarajevo), i to: Olimpijski muzej, Vijećnica, Žuta tabija sa dijelom bedema prema kuli Širokac, Višegradska kapija, Bijela tabija, Kasarna Jajce, Akademija likovnih umjetnosti i Željeznička stanica Bistrik.

U 2022. godini planirana je izrada projekata iluminacije Gospođicine kuće, popravak iluminacije mostova, iluminacija mostova koji nisu na ovaj način tretirani, te iluminacija korita rijeke Miljacke.

PROJEKTI TEKUĆEG ODRŽAVANJA

1. Zakon o komunalnim djelatnostima Kantona Sarajevo („Službene novine Kantona Sarajevo“, br. 14/16, 43/16, 19/17 i 20/18).

1.1. Odluka o izgradnji, rekonstrukciji i održavanju javnih česmi i fontana, javnih kupatila i javnih nužnika („Službene novine Kantona Sarajevo“, br. 12/11, 21/16 i 51/18).

ČESME I FONTANE

Grad Sarajevo upravlja sa 47 česmi i 2 fontane. Osigurati redovno održavanja česmi i fontana kojima upravlja Grad Sarajevo po osnovi sporazuma s gradskim općinama.

Potrebno je obezbjediti adekvatno puštanje u rad i redovan pregled i održavanje česmi i fontana koje su tokom zimskog perioda bile konzervirane, kao i adekvatno konzerviranje kao priprema za zimski period.

Plaćanje mjesečnih računa utroška vode, električne energije za česme i fontane. Osigurati redovne preglede stanja komunalne infrastrukture kojim upravlja Grad Sarajevo.

Izmiriti obavezu 4 rate koju je Grada Sarajevo preuzeo sporazumom o dugu za potrošnju vode na česmama na području općine Stari Grada Sarajevo za prethodni period.

U nastavku Programa su navedene česme i fontane za koje upravljanje i održavanje vrši Grad Sarajevo, te pregledna karta sa naznačenom pozicijom i adresom česme ili fontane, razvrstano po općinama na čijoj teritoriji se nalaze.

Općina Stari Grad:

1. Javna česma „Vrbanjuša“, ul. Vrbanjuša PP 148
2. Javna česma „Ugao Majevička“, ul. Prijeka česma do br. 17
3. Javna česma „Ugao Josipa Štadlera“, ul. Logavina bb
4. Javna česma „Arebi-atik“, ul. Mejlijina do br. 12
5. Javna česma Grličića brdo 2
6. Javna česma „Vrbanjuša“, ul. Logavina br.84
7. Javna česma Bakarevića 3
8. Javna česma Begovac, (ul. Paje 45)
9. Javna česma Mahmutovac 128
10. Javna česma Prijepoljčeva PP 16
11. Javna česma Žgarići 15
12. Javna česma Alifakovac PP 23
13. Javna česma Strošići 38
14. Javna česma za groblje na Hridu, ulica Kamenica PP1
15. Javna česma „Ugao Hadžiabdinica I Firduz-begova“, ul. Hadžiabdinica PP8
16. Javna česma Džanin sokak 18
17. Javna česma Terzibašina 13
18. Javna česma "Bakr Babina", ul. Hamdije Kreševljakovića do br.63

19. Fontana Bravadžiluk bb
20. Javna česma Za Beglukom do br.64
21. Javna česma Terzibašina br.1
22. Javna česma Šadrvan – Gazihusrevbegova, ul.Sarači 18A,
23. Javna česma Šadrvan, ul Sagrdžije br.2
24. Javna česma Sarači PP 23
25. Javna česma Sebilj, ul. Baščaršija PP 23
26. Javna česma-Fontana Džamija Ferhadija, ul. Vladislava Skarića bb
27. Hair česma Subašić, ulica Nalina
28. Javna česma Lubina Džamija
29. Javna česma – Bistrička česma, ulica Bistrik - Medresa
30. Javna česma – Brdo džamija
31. Javna česma/šadrvan, ulica Bakarevića 9
32. Javna česma, ul. Bakarevića 24
33. Česma Mošćanica, Ulica Faletići

Općina Centar:

1. Rotary Fontana, ul.Reisa Džemaludina Čauševića PP1
2. Javna česma Bjelave do 131
3. Javna česma – Alipašina džamija
4. Hair Česma – ul.Patriotske lige PP 61
5. Javna česma (Groblje Humka) Panjina Kula PP 36
6. Javna česma – Sedrenik mali do 17
7. Javna česma – Maršala Tita (iza Alipašine džamije u parku)
8. Javna česma Gornja Breka PP 9
9. Česma Trebevička do 117
10. Javna česma, Hasana Sušića 19
11. Javna česma Provare
12. Javna česma – Kesa, ul. Mandrina
13. Hair česma – Braće Begić do 36
14. Fontana Spomen obilježje ubijenoj djeci opkoljenog Sarajeva

Općina Novo Sarajevo:

1. Javna česma Omer Maslić
2. Fontana na Trgu žrtava genocida u Srebrenici

JAVNI TOALET VILSONOVO ŠETALIŠTE

Upravljanje i održavanje javnog toaleta u Vilsonovom šetalištu je kontinuisana aktivnost i u 2022. godini.

SPOMEN OBILJEŽJE VJEČNA VATRA

Redovno održavanje Spomen obilježja „Vječna vatra“, koje podrazumijeva aktivnosti u vidu tehničkog servisa plamenika, čišćenje i plaćanje utrošenog plina se nastavlja u 2022. godini.

BIJELA TABIJA

Kompleks Bijele tabije nalazi u prostornom obuhvatu „Graditeljske cjeline – Stari Grad Vratnik u Sarajevu“, koja je Odlukom Komisije za očuvanje nacionalnih spomenika BiH proglašena nacionalnim spomenikom. S obzirom na značajna uložena sredstva iz Budžeta Grada Sarajeva, u prethodnom period je izrađen i Idejni projekat namjene i korištenja kompleksa Bijela tabija, autora akademika Zlatka Ugljena, koji je ponudio izuzetno kreativno i bogato rješenje, sa velikom paletom funkcija i sadržaja, koji omogućavaju funkcionisanje kompleksa tokom čitave godine. Idejni projekat uvažava sva završena sistematska arheološka istraživanja lokaliteta Bijela tabija.

Transformacija kulturno-historijskog prostora je usklađena sa zahtjevima struke i kroz date detalje organizacije i namjene prostora, uvezane tradicionalnim elementima i izuzetnim hortikulturnim rješenjem, ne narušava autentičnost zaštićenog kompleksa Bijele tabije.

Navedeni Idejni projekat je dostavljen Komisiji za očuvanje nacionalnih spomenika BiH na mišljenje, a sve u cilju pripreme za izradu Glavnog projekta namjene i korištenja kompleksa Bijela tabija u 2022. godini. Izradom Glavnog projekta moći će se definisati okvirna sredstva za realizaciju (orjentacioni predmjer i predračun radova).

Realizacijom ovog projekta doprinijet će se očuvanju naše historije i kulturne baštine, te stvaranju atraktivnog sadržaja za građane i turiste koji posjećuju našu državu i grad Sarajevo.

VODOTOCI

Odluku o korištenju, održavanju i čuvanju vodotoka na području Grada Sarajeva („Službene novine Kantona Sarajevo“, broj 02/07), imajući u vidu prava i dužnosti Grada Sarajeva, utvrđena Zakon o vodama F BiH iz 2010. godine, odnosno Zakona o vodama Kantona Sarajeva kao i Zakona o komunalnoj čistoći Kantona Sarajeva, vezano za obavezu čišćenja vodnog dobra datog u vlasništvo, odnosno na upravljanje Gradu Sarajevu.

Planirane su aktivnosti na upravljanju vodotocima II kategorije na području Grada Sarajeva kako slijedi:

ČISTA RIJEKA MILJACKA

1. Kao glavni vodotok u Gradu Sarajevu je posebno potrebno obuhvatiti aktivnostima čišćenja i održavanja. U sklopu redovnog održavanja korita rijeke Miljacke od Bentbaše do mosta u Ulici Kurta Schorka, ugovoriti poslove redovnog košenja trave na travnatim kosinama korita, čišćenja kabastog otpada iz samog korita i krčenje šiblja;
2. Izrada projekta sanacije kaskada na rijeci Miljacki;
3. Pjeskarenje kamenih zidova korita Miljacke;
4. Deviperacija korita (tretman protiv zmija) i
5. Detekcija zagađivača u slivu rijeke Miljacke

BISTRičKI POTOK

Kao jedna od značajnijih pritoka rijeci Miljackoj je još u Austro-ugarsko vrijeme ucjevljen te je protokom vremenu doživio neke sanacije, ali je lokalna zajednica imala velikih problema zbog propadanja ceste i infrastrukture ispod same građevine ucjevljenja. Pripremljen je Glavni projekat sanacije, ishodovana građevinska dozvola i pripremljena Tenderska dokumentacija. Početak radova planiran je u 2022. godini.

RAMIĆA POTOK

Kao historijski objekat i značajna pritoka rijeci Miljackoj je ucjevljen i prolazi ispod historijske jezgre, Baščarsijskog trga i najpoznatijeg simbola Sarajeva – Sebilja.

Glavni projekat sanacije je pripremljen i pokrenute su aktivnosti na ishodovanju građevinske dozvole neophodne za sanaciju ovog zacjevljenja. Po ishodovanju građevinske dozvole pokrenut će se aktivnosti na sanaciji u skladu sa obezbjeđenim sredstvima.

KOŠEVSKI POTOK

U 2020. godini su pokrenute aktivnosti na geodetskom snimanju zacjevljenog dijela Koševskog potoka. U 2022. godini planirana je izrada Glavnog projekta sanacije te u saradnji sa Općinom Centar i Kantonom Sarajevo aktivnosti na sanaciji u narednom periodu.

SUŠICA POTOK

Dužine je 3.2 km i u Miljacku se ulijeva u neposrednoj blizini Zemaljskog muzeja. U 2022. godini planiraju se aktivnosti krčenja rastinja i redovnog održavanja.

SPOMENICI

Grad Sarajevo ima 24 spomenika od značaja, a redovne aktivnosti podrazumijevaju čišćenje i manje restauracije spomenika, a sve u skladu sa Programom tekućeg održavanja spomenika od značaja za Grad Sarajevo.

Grad Sarajevo donosi godišnji plan podizanja spomenika i aktivnosti koje se planiraju provesti za tu godinu. Program se zasniva na inicijativama koje su dobile podršku Gradskog vijeća i za koje je Komisija za spomenike utvrdila da su inicijative za podizanje spomenika od značaja za Grad Sarajevo, te uputila Gradonačelniku na obradu sa ciljem da Grad Sarajevo bude investitor podizanja spomenika. Programske aktivnosti za 2022. godine na podizanju spomenika i umjetničkih skulptura od značaja za Grad Sarajevo, kojima je Grad Sarajevo investitor, su kako slijedi:

1. Spomenik civilnim žrtvama grada – Kantona Sarajevo

Spomenik civilnim žrtvama grada – Kantona Sarajevo je inicijativa Unije civilnih žrtava rata Kantona Sarajevo koje je krovno udruženje civilnih žrtava rata, a koje u svom članstvu ima 3925 registriranih članova, odnosno 2094 aktivnih članova, a također, važno je istaći da je Unija pravni sljednik Saveza civilnih žrtava rata grada Sarajeva koji egzistira od 1974. godine.

Opsada grada Sarajeva bila je najduža u modernoj historiji, a trajala je 1479 dana, ranjeno je preko 50.000 naših sugrađana, 11.541 stanovnik grada Sarajeva je ubijen, od toga je 1601 dijete, a dnevno je grad razaralo 329 granata. Zločin počinjen prema gradu Sarajevu i njegovim stanovnicima je bez presedana u historiji i toliko je velik da je svaki pokušaj njegovog negiranja i minimiziranja sramotan.

Kolateralna šteta agresije su civilne žrtve rata, osobe sa invaliditetom i porodice ubijenih civila koji su ni krivi ni dužni stradali u agresiji na nezavisnu državu Bosnu i Hercegovinu izgubivši živote, dijelove tijela ili svoje najmilije.

Nakon 25 godina civilne žrtve rata grada – Kantona Sarajevo nisu dobile moralnu satisfakciju (nije izgrađeno jedinstveno spomen obilježje) i iz tog razloga važno je da Gradsko vijeće Grada Sarajeva

doneše i prepoznala značaj inicijative za izgradnju spomen obilježja civilnim žrtvama rata grada-Kantona Sarajevo.

Izgradnja spomenika treba da bude simbol sjećanja na sve ubijene i ranjene civile grada-Kantona Sarajevo u periodu agresije i opsade 92-95.

Provedene i planirane aktivnosti

Komisija za spomenike Gradskog vijeća Grada Sarajeva razmatrala je dostavljenu inicijativu na sjednici održanoj 29.07.2020. godine te je jednoglasno usvojila zaključak kojim se konstatuje da je inicijativa za podizanje Spomenika civilnim žrtvama grada - Kantona Sarajevo inicijativa od značaja za Grad Sarajevo.

S tim u vezi, gradonačelnica je provela niz aktivnosti s ciljem iznalaženja adekvatne lokacije i pribavljanja idejnog rješenja.

Planira se pribavljanje idejnog rješenja u 2022. godini čime bi se stekli uslovi za donošenje odluke o podizanju konkretnog spomenika redovnom procedurom.

Zbog kompleksnosti zakonskih procedura pri pribavljanju odobrenja za građenje, očekuje se da će se tokom 2022. godine aktivnosti voditi na pribavljanju saglasnosti i ispunjavanju zakonskih uslova za podizanje spomenika civilnim žrtvama grada – Kantona Sarajevo na odabranoj lokaciji.

Planirano je da će se tokom 2022. godine ostvariti pretpostavke za same građevinske radove, te će Grad Sarajevo provesti neophodne aktivnosti i na samom podizanju spomenika.

2. Spomenik Kralju Tvrtku I Kotromaniću

Podizanje spomenika ima za cilj obilježiti vladavinu, najprije bana, a zatim kralja Bosne – kralja Tvrtka I Kotromanića (1338.-1391). Historičari evidentiraju da je za vrijeme njegove vladavine država bila politički stabilna i da je tada ostvaren značajan kulturni i duhovni napredak, te da su se razvijali gradovi, trgovina i rudarstvo. Neki historičari bilježe da se, odmah nakon Tvrtkovog krunisanja, pojavilo i prvo kovanje zlatnog novca na južnoslavenskim prostorima. Evidentira se ulazak zlatnog ljljiana (*lilium bosniacum*) u bosansku heraldiku za vrijeme njegove vladavine. Historijski izvori navode na zaključak da je za vrijeme Tvrtkove vladavine Bosna bila najsnažnija južnoslavenska zemlja tog doba, a sam Tvrtko najveći vladar u historiji srednjovjekovne Bosne.

Provedene i planirane aktivnosti

Komisija za spomenike Gradskog vijeća Grada Sarajeva je na petoj sjednici održanoj 20.09.2021. godine donijela zaključak kojim je odabrana buduća lokacija ovog spomenika u parku između zgrada Zemaljske vlade (k.č. 1608, K.O. Sarajevo IV), a koja je prethodno definisana Elaboratom o mogućim lokacijama za podizanje spomenika, kao i uz prethodnu saglasnost nadležne općine, te je predložila gradonačelnici da provede izbor idejnog rješenja konkursnim putem.

Planira se pribavljanje idejnog rješenja za navedeni spomenik početkom 2022. godine čime bi se stekli uslovi za donošenje Odluke o podizanju konkretnog spomenika redovnom procedurom u aprilu 2022. godine.

Zbog kompleksnosti zakonskih procedura pri pribavljanju odobrenja za građenje, očekuje se da će se tokom 2022. godine aktivnosti voditi na pribavljanju saglasnosti i ispunjavanju zakonskih uslova za podizanje spomenika Kralju Tvrtku I Kotromaniću na odabranoj lokaciji. Ukoliko bi se ranije

ostvarile pretpostavke za same građevinske radove, Grad Sarajevo bi proveo neophodne aktivnosti i na samom podizanju spomenika.

3. Spomen-ploča poginulim pripadnicima Zelenih beretki pri akciji oslobađanja kote 1162 – Vidikovac 08.06.1992. godine

Udruženja organizatora otpora, veterana rata, dobrovoljaca, prvoboraca i branioca „Bosnae-Zelene beretke“ podnijelo je prijedlog za podizanje Spomen-ploča poginulim pripadnicima Zelenih beretki pri akciji oslobađanja kote 1162 – Vidikovac 08.06.1992. godine, a gradonačelnica Grada Sarajeva je ovaj prijedlog prihvatila i uputio kao svoju inicijativu na razmatranje Komisiji za spomenike Gradskog vijeća.

Predložena lokacija za podizanje Spomen-ploča je na dolaznoj stanici Trebevičke žičare Ramo Biber, a prema idejnom rješenju koje je sastavni dio ove Odluke.

Komisija za spomenike je, u postupaju u skladu sa Odlukom o podizanju spomenika od značaja za Grad Sarajevo, nakon razmatranja Inicijative, donijela zaključak da je spomenik od značaja za Grad Sarajevo i predložila Gradskom vijeću Grada Sarajeva donošenje Odluke.

Gradsko vijeće je na 10. sjednici održanoj srijedu 29.12.2021. godine usvojilo predloženu Odluku te su se stekli uslovi da se ova spomen-ploča postavi u 2022. godini.

4. Spomen-obilježje „HVO Sarajevo“

„Udruga organizatora otpora, umirovljenih i demobiliziranih branitelja HVO Sarajevo“ podnijela je inicijativu za podizanje Spomen obilježja „HVO Sarajevo“.

Gradsko Vijeće je usvojila Odluku o podizanju spomen-obilježja „HVO Sarajevo, odnosno dodatnu izmjenu u 2020. godini nakon čega je nadležna Služba ishodovala odobrenje za građenje u 2021. godini, čime su se stekli uslovi za podizanje ovog spomen-obilježja u 2022. godini.

OLIMPIJSKI BAZEN

Tokom 2019. godine Grad je finansirao izradu Idejnog i Glavnog projekta zatvaranja dijela terase Olimpijskog bazena. Idejni i Glavni projekat izrađen je od strane pravnog lica ADS studio. Nakon provedene procedure Javne nabavke odabran je najpovoljniji ponuđač za izvođenje predmetnih radova. Početak realizacije je planiran u 2022. godini.

PROJEKAT REKONSTRUKCIJE, RESTAURACIJE I KOLORISTIČKE OBNOVE FASADA U GRADU SARAJEVU

Projekat obnove fasada je višegodišnji, te samim tim zahtjeva sistematski pristup, kao i obezbjeđenje većih novčanih sredstava u narednim godinama, obzirom da je cilj obnoviti što veći broj objekta graditeljskog naslijeđa čija će realizacija u konačnici doprinijeti ljepšoj urbanističkoj slici grada.

Grad Sarajevo kontinuirano sprovodi aktivnosti na geodetskom snimanju fasada i izradi projekata sanacije, restauracije i kolorističke obnove fasada od kulturno-historijskog značaja.

U 2022. godini u planu je sanacija, restauracija i koloristička obnova Gospodicine kuće. Ovaj objekat je proglašen nacionalnim spomenikom 2011. godine, a radi se o jedinstvenom primjeru objekta sa zidnim slikama izvedenim u Zgrafito tehnici.

GEODETSKO SNIMANJE FASADA

Investitor projekta: Grad Sarajevo

Početak 2021.godine proveden je postupak javne nabavke za geodetsko snimanje fasada objekata graditeljskog naslijeđa na sljedećim adresama: Maršala Tita br. 17,19,27,29,33,32,12,6,5 uglovnica Maršala Tita i Dolina br. 2, ulica Maršala Tita br: 54 dvorišni dio (Salomova palata), Kaptol br. 1, 2,4,5, Mula Mustafe Bašeskije br. 1,3,4 i 5, Ćemaluša br. 2,4,6,8,12,14, Ferhadija br. 4, Branilaca Sarajeva br. 53,51,49,47,45,32,34,28,39,41,43,31,33,25,23,15,17, Uglovnica Branilaca Sarajeva i Kulovića br. 5, Mis Irbina br. 26,24,14-22,10,12,6,4,1,5,7,9,11, Obala Kulina bana br. 2,3,4,5,6,10,11,12,14,15,16,17, uglovnica Obala Kulina bana i Radićeva br. 1 i 2, Uglovnica Obala Kulina bana i Jadranska br.1, Gimnazijska br. 1,3 i 11, Radićeva 17,4,11,13,15,3,6,7, Hamdije Kreševljakovića br. 1, br. 10,12,13,9,11,27, Obala Maka Dizdara br. 5, 7,8,9,13, Uglovnica Obala Maka Dizdara i Tabašnice 2, Tabašnica 4, Ćobanija br. 2,4,6 i 8, Branislava Đurđeva 4 i 18, Hamze Hume br. 8,4 i 2, Bolnička br. 17, Zmaja od Bosne br. 61, 63, Brodac br. 6, 4 i 2.

Nakon provedene procedure javne nabavke ugovor je zaključen sa firmom Geodet d.o.o.

Cilj ovog projekta je obuhvatiti što veći broj objekata graditeljskog naslijeđa posebno u užoj gradskoj jezgri, kako bi se u konačnici mogla planirati obnova fasada na što većem broju objekata, te osmisliti model finansiranja u saradnji sa Općinama i višim nivoima vlasti. Završetak geodetskog snimanja je planirano u 2022. godini.

PROJEKAT „MODEL POBOLJŠANJA ENERGETSKE EFIKASNOSTI U ZGRADARSTVU NA PODRUČJU KANTONA SARAJEVO“

Nosilac projekta: Vlada Kantona Sarajevo

Projekat sufinansira: Vlada Kantona Sarajevo, Grad Sarajevo i općine Kantona Sarajevo

Projekat utopljanja fasada na području Grada Sarajevo je kompleksan višegodišnji projekat koji zahtjeva učešće i sinergiju većeg broja sudionika te sistematski pristup koji je neophodan za realizaciju.

Kratke informacije o projektu

Ministarstvo za prostorno uređenje, građenje i zaštitu okoliša Kantona Sarajevo je, u saradnji sa Sarajevskom regionalnom razvojnom agencijom (SERDA), razvilo Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje), tzv. Model EE. Vlada Kantona Sarajevo je usvojila Model EE u decembru 2017. godine.

Vlada Kantona Sarajevo, Grad Sarajevo i općine Kantona Sarajevo su potpisale Sporazum o realizaciji Modela EE, kojim se definiše i pruža podrška građanima Kantona Sarajevo da pod povoljnim uslovima utople svoje objekte. Na ovaj način građani dobivaju subvencioniranje 45 % troškova utopljanja objekata.

Vlada Kantona Sarajevo putem Ministarstva prostornog uređenja, građenja i zaštite okoliša Kantona Sarajevo nositelj realizacije Modela EE. Za korisnike/aplikante finansira izradu projektne dokumentacije i energetskog audita, udio u implementaciji mjera energetske efikasnosti u iznosu 5 %, a za korisnike vangradskih općina Kantona Sarajevo 10 %, finansira fond solidarnosti, sufinansira kamatnu stopu 3 % za korisnike Modela EE koji za finansiranje implementacije mjera EE budu uzimali kredit kod partnerskih banaka. Sa ciljem upoznavanja građana o prednostima EE finansira edukacije građana i promotivne kampanje.

Grad Sarajevo se obavezuje sufinansirati 10 % troškova implementacije utopljanja objekata, za korisnike sa teritorije 4 gradske općine. Shodno dinamici u realizaciji Grad Sarajevo će tokom 2022. godine učestvovati u skladu sa potpisanim sporazumima.

GRADSKJE FINANSIJE

GRADSKJE FINANSIJE PLAN RADA ZA 2022 GODINU.		
1.	IZVJEŠTAJ O IZVRŠENJU BUDŽETA GRADA SARAJEVA ZA 2021. GODINU	Zakonska obaveza po Zakonu o budžetima u FBiH, na osnovu kojeg služba za finansije priprema završni izvještaj o izvršenju budžeta Grada Sarajeva za 2021. godinu.
2.	IZVJEŠTAJ O IZVRŠENJU BUDŽETA GRADA SARAJEVA ZA 2022. GODINU I, II,III i IV KVARTAL	Zakonska obaveza po Zakonu o budžetima u FBiH, na osnovu kojeg služba za finansije kvartalno prati izvršenje budžeta na osnovu kojeg priprema izvještaje o izvršenju budžeta Grada Sarajevo za 2022. godinu. Isti se šalju prema Gradskom vijeću kao informaciju.
3.	IZVJEŠTAJ O KORIŠTENJU SREDSTAVA TEKUĆE REZERVE	Zakonska obaveza po Odluci o izvršavanju budžeta Grada Sarajeva, na osnovu koje je služba za finansije obavezna polugodišnje izvještavati Gradsko vijeće u vidu informacije o utrošku sredstava iz tekuće rezerve.
4.	NACRT BUDŽETA I ODLUKA O IZVRŠAVANJU BUDŽETA GRADA SARAJEVA 2023. GODINU	Gradska služba finansija Grada Sarajevo je nosilac aktivnosti oko izrade Nacrta Budžeta Grada Sarajevo, što je u saglasnosti sa Zakonom o budžetima u FBiH. Gradska služba finansija saraduje sa Gradskim službama u vezi izrade, prijedloga smjernica i ciljeva fiskalne politike, odnosno izradi procjene o glavnim vrstama prihoda i izdataka. Gradska služba finansija Grada Sarajeva upućuje Gradskim službama budžetske instrukcije za planiranje i izradu budžeta Grada Sarajevo koje utvrdi gradonačelnica.

5.	BUDŽET I ODLUKA O IZVRŠAVANJU BUDŽETA GRADA SARAJEVA 2023. GODINU	Gradsko Vijeće Grada Sarajevo utvrđuje Nacrt Budžeta Grada Sarajevo i Nacrt Odluke o izvršavanju Budžeta Grada Sarajevo i stavlja na javnu raspravu. Gradska služba finansija priprema prijedlog Budžeta Grada Sarajevo i Odluku o izvršavanju Budžeta Grada Sarajevo i sumira rezultate javne rasprave. Gradonačelnica Grada Sarajevo utvrđuje prijedloge Budžeta Grada Sarajevo i Odluke o izvršavanju Budžeta Grada Sarajevo i dostavlja rezultate javne rasprave Gradskom Vijeću Grada Sarajevo.
6.	DOB – Dokument okvirnog budžeta	DOB je akt koji sadrži makroekonomske projekcije i prognoze budžetskih sredstava i izdataka za naredne tri godine i na kojem se zasniva priprema i izrada budžeta. Postupak pripreme DOB-a počinje dostavljanjem Instrukcije broj 1 o načinu i elementima izrade DOB-a, koja sadrži: osnovne ekonomske pretpostavke i smjernice za pripremu DOB-a, tabele pregleda prioriteta budžetskih korisnika te dinamiku i rokove pripreme DOB-a. Izrada DOB-a zasniva se na procjeni privrednog razvoja, razvoja socijalnog sektora, makroekonomskih indikatora i prognozi prihoda i rashoda.
7.	TROMJESEČNI OPERATIVNI PLANovi (KVARTALNO)	Gradska služba finansija Grada Sarajevo je nadležna za planiranje tromjesečnih i mjesečnih novčanih tokova kojima se projicira priliv i odliv sredstava sa JRT, koji predstavljaju osnovu za izvršavanje Budžeta. 3. Tromjesečni planovi predstavljaju okvir za mjesečne finansijske planove i sačinjavaju se u skladu sa raspoloživim sredstvima i planiranim prihodima, te realnim rashodima i izdacima Gradskih službi i započetim projektima, u skladu sa Budžetom za tekuću godinu.
8.	IZRADA PRAVILNIKA I DRUGIH PROPISA	Gradska služba finansija Grada Sarajevo, je u procesu pripremanja nekoliko pravilnika koji će pospješiti samo funkcionisanje službe. Pravilnici se odnose na O FINANSIJSKOM PLANIRANJU, IZVRŠAVANJU BUDŽETA GRADA SARAJEVO, kao i pravilnik o KRUŽENJU DOKUMENTACIJE (FAKTURA) UNUTAR GRADSKIH SLUŽBI. U godini koja je predmetom ovog Plana pristupit će se i donošenju Odluke o postupku dodjele i korištenja sredstava iz tekuće rezerve Budžeta Grada Sarajevo.
9.	OSTALE AKTIVNOSTI	Gradska služba ima i druge aktivnosti koje su mjesečnog ili svakodnevnog karaktera kao što su: obračun plata, paušala, radnih tijela i komisija. Na svakodnevnom nivou vrši se knjiženje obaveza i njihovo plaćanje i sl.

OBRAZOVANJE, KULTURA, SPORT I MLADI

Kultura, sport i podrška mladima su oblasti društvenog djelovanja koje snažno definišu, ne samo gradove nego i cjelokupan državni identitet. Ključno je pitanje kako, u okviru datih nadležnosti, na najbolji način pomoći da se u Gradu Sarajevu kreiraju povoljniji uslovi koji bi obezbijedili kulturnim i sportskim radnicima, institucijama, klubovima, organizacijama, građanskim grupama i udruženjima da djeluju sa višim stepenom uspješnosti i efikasnosti u korist svih građana grada Sarajeva.

Grad Sarajevo nastoji dati svoj doprinos shvaćajući različitost potreba i interesovanja svojih građana, te kontinuirano podržava i omogućava različite sadržaje za svakog od njih.

OBLAST OBRAZOVANJA

1. U skladu sa Programom rada Gradskog vijeća za 2022. godinu, Gradska služba za obrazovanje, sport, kulturu i mlade iz oblasti obrazovanja, obradit će materijale na sljedeće teme:

- Odluka o izboru članova komisije za razmatranje, obradu i analizu pristiglih prijava na konkurs za stipendiranje učenika srednjih škola iz budžeta Grada Sarajeva, predstavnika Gradskog vijeća za školsku 2021./2022. godinu;
- Odluka o stipendiranju učenika srednjih škola iz Budžeta Grada Sarajeva;
- Informacija o uspjehu učenika srednjih škola u protekloj godini na području grada Sarajeva u školskoj 2021./2022. godini;
- Informacija o upisu učenika u srednje škole na području grada Sarajeva u školskoj 2021./2022. godini;
- Informacija o sufinansiranju rada udruženja za podršku djeci i odraslim osobama s poteškoćama u razvoju i
- Izveštaj o provođenju Odluke o stipendiranju učenika srednjih škola iz Budžeta Grada Sarajeva, po konkursu za stipendiranje učenika srednjih škola iz Budžeta Grada Sarajeva za školsku 2020./2021. godinu.

2. Aktivnosti u realizaciji odobrenih sredstava iz Budžeta Grada Sarajeva su:

- Provođenje konkursne procedure po Odluci za stipendiranje učenika srednjih škola iz Budžeta Grada Sarajeva;
- Provođenje javnog poziva za sufinansiranje projekata iz oblasti obrazovanja u osnovnim i srednjim školama;
- Finansiranje organizovanog odlaska u muzeje, pozorišta i druge kulturno-sportske manifestacije i takmičenja;
- Biblioteka za slijepa i slabovidna lica BiH-Unaprjeđenje bibliotečnog fonda za slijepa lica;
- Sufinansiranje programskih i projektnih aktivnosti ANU BiH;
- Sufinansiranje projekata čija su ciljna grupa djeca i osobe sa invaliditetom, ili poteškoćama u razvoju:
 - Udruženje „Klub sporta Sled“,
 - Udruženje za podršku djeci i roditeljima „Budućnost“,
 - Udruženje za podršku osobama sa intelektualnim teškoćama „Oaza“,

- Udruženje Skijaški klub osoba sa invaliditetom „Ilmer“;
 - Udruženje Plivački klub „Spid“;
 - Udruženje porodica i osoba s poteškoćama u razvoju „Dajte nam šansu“;
 - Udruženje za unaprjeđenje obrazovanja i podrške djeci sa i bez poteškoća u razvoju „Edus“;
 - Udruženje za podršku porodicama sa djecom i osobama sa poteškoćama u razvoju „Colibri“;
 - Udruženje za podršku ženama oboljelim i liječenim od karcinoma i ženama sa ratnim traumama „KreArtivci“.
- Savez udruženja osoba sa cerebralnom paralizom FBiH;
 - Prijevoz stipendista fonda „Ikre“ u Novi Vinodolski;
 - Finansiranje izdavanja časopisa „Bosniaca“ NUB BiH;
 - Ljetovanje školske djece JU Dječji dom „Bjelave“;
 - Podrška projektima „JU Zavod za zbrinjavanje mentalno invalidne djece i omladine Pazarić“;
 - Otkup knjiga od interesa za Grad Sarajevo;
 - Časopis „Zvučne novine“, Udruženje slijepih KS;
 - UG „Život sa Downovim sindromom“ – Projekat „Socijalna inkluzija djece sa poteškoćama“;
 - Sufinansiranje programskih aktivnosti i dijela režijskih troškova Udruženju za podršku djeci/osobama s teškoćama sluha i govora EHO;
 - Omladinsko udruženje „Dobro djelo“ i
 - Finansijska pomoć – Udruženje za podršku i pomoć djeci i roditeljima „Svijet čarolije“.

OBLAST SPORTA

1. U skladu sa Programom rada Gradskog vijeća za 2022. godinu, Gradska služba za obrazovanje, sport, kulturu i mlade iz oblasti sporta obradit će materijale na sljedeće teme:

- Izvještaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2021. godini i
- Odluka o podršci sportskim udruženjima/klubovima po javnom pozivu.

2. Realizacija aktivnosti i odobrenih sredstava iz Budžeta Grada Sarajeva:

- Provođenje Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2022. godini;
- Provođenje Odluke o podršci sportskim udruženjima/klubovima po javnom pozivu;
- Sportsko društvo slijepih i slabovidnih KS – sufinansiranje realizacije edukacijskih, takmičarskih i drugih programskih aktivnosti;
- Podrška vrhunskom sportu;
- Podrška razvojnom sportu;
- Podrška FK Željezničar;

- Podrška FK Sarajevo;
- Sufinansiranje projekta „Liga srednjih škola Kantona Sarajevo“;
- Podrška Udruženju SFK 2000 Sarajevo (ženska profesionalna fudbalska ekipa) i
- Sufinansiranje zajedničkih projekata sa pobratimskim gradovima iz sporta i obrazovanja

OBLAST KULTURE

1. Ciljevi i aktivnosti u oblasti kulture bit će usmjereni ka afirmaciji bosanskohercegovačke kulture kroz podršku kulturnom stvaralaštvu, uspješnim kulturnim institucijama i manifestacijama. Aktivnosti i odobrena sredstava iz Budžeta Grada Sarajeva koje Grad Sarajevo planira realizovati u toku 2022. godine:

- Doček Nove godine;
- Koncert Pariškog Kamernog orkestra 9. maja;
- Festival Regionalne unije teatra „Ruta“;
- Finansijska podrška ustanovama kulture BiH: Sedam institucija kulture od značaja za BiH;
- Sufinansiranje projekta stalne postavke JU Muzej „Alija Izetbegović“;
- Asocijacija nezavisnih intelektualaca „Krug 99“;
- Udruženje kazandžija – promocija starih zanata;
- Primjena Odluke o finansiranju kulturnih manifestacija od interesa za Grad Sarajevo;
- Sufinansiranje Sarajevo film festivala;
- Finansiranje kulturne manifestacije „Dani kulture Sarajeva u pobratimskim gradovima“;
- Sufinansiranje i učešće na „Diplomatskom bazaru“;
- Primjena Odluke o uslovima i postupku prihvatanja pokroviteljstva Grada Sarajeva;
- Dani grada Sarajeva;
- Sufinansiranje programskih aktivnosti i dijela režijskih troškova „Balkanskog mevlevijskog istraživačkog kulturnog centra“ i
- Sufinansiranje Spomen sobe Zelenih beretki.

2. U skladu sa Programom rada Gradskog vijeća za 2022. godinu, Gradska služba za obrazovanje, sport, kulturu i mlade iz oblasti kulture obradit će materijale na sljedeće teme:

- Izvještaj o provođenju Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo u 2021. godini;
- Izvještaj o provođenju Odluke o uslovima i postupku prihvatanja pokroviteljstva Grada Sarajeva u 2021. godini iz nadležnosti Gradske službe za obrazovanje, sport, kulturu i mlade;
- Izvještaj o realizaciji programa manifestacije obilježavanja 6. aprila – Dana Grada Sarajeva u 2022. godini;
- Odluka o davanju saglasnosti na program obilježavanja 6. aprila – Dana Grada Sarajeva u 2023. godini i
- Odluka o utvrđivanju i načinu sufinansiranja kulturnih manifestacija od posebnog interesa za Grad Sarajevo.

KULTURNO-HISTORIJSKO NASLIJEĐE

3. Mjere i aktivnosti u oblasti kulturno-historijskog naslijeđa i kulturne baštine vršiti će se kroz provođenje aktivnosti poput:

- Obilaska institucija i subjekata koji se bave kulturno-historijskim naslijeđem;
- Realizacije projekta Dani Isa-bega Ishakovića u saradnji sa Udruženjem za zaštitu kulturne baštine Isa-beg Ishaković;
- Otkup muzejskih eksponata za potrebe Muzeja Vijećnica i Bistričke stanice;
- Unaprjeđenje saradnje sa Historijskim arhivom Sarajevo u skladu sa potpisanim Memorandumom o saradnji i
- Unaprjeđenje saradnje i pružanje podrške radu JU „Gradski muzeji“, a s ciljem zaštite muzejskih eksponata kojima ista raspolaže te omogućavanje široj javnosti da se upozna sa sadržajima koje navedena ustanova nudi.

4. Provođenje Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo

Nakon dostavljanja programa i zahtjeva za sufinansiranje kulturnih manifestacija od posebnog interesa za Grad Sarajevo, Gradsko vijeće će donijeti Odluke o njihovom sufinansiranju, a nakon što Savjet za kulturu razmotri prijedlog nadležne Službe te shodno valjanosti, značaju i kvaliteti ponuđenog programa uputi svoje mišljenje, kao i prijedlog visine sredstava sufinansiranja u dalju proceduru. Grad Sarajevo kao kulturne manifestacije od posebnog interesa za Grad Sarajevo prepoznaje sljedeće manifestacije:

- Internacionalni teatarski festival MESS;
- Sarajevo Big Band;
- Međunarodna književna manifestacija „Sarajevski dani poezije“;
- Sarajevske večeri muzike SVEM;
- Internacionalni festival Sarajevo „Sarajevska zima“;
- Sarajevo film festival;
- Bašćaršijske noći;
- Internacionalni muzički festival JAZZ FEST Sarajevo;
- Balet Fest Sarajevo;
- Festival Bookstan i
- Festival dječje umjetnosti „FEDU“.

OBLAST MLADIH

PROVOĐENJE „PLANA DJELOVANJA ZA MLADE“

Gradska služba za obrazovanje, sport, kulturu i mlade će nastaviti implementirati usvojeni „Plan djelovanja za mlade“ kroz finansijsku podršku projektima koji doprinose poboljšanju njihovog standarda, te rade na unaprjeđenju kulturnih, obrazovnih i drugih sadržaja za ovu populaciju, a koji su u skladu sa sedam oblasti koje navedeni Plan prepoznaje kao važne segmente za napredak i rad u

ovoj oblasti. Sredstva za implementaciju navedenog Plana su osigurana u Budžetu Grada Sarajeva za 2022. godinu.

1. Opredjeljenje i osnovni ciljevi djelovanja prema mladima vršiti će se i kroz intenzivniji pristup mladima, na osnovu njihovih potreba, provođenjem brojnih aktivnosti, poput:

- Podrške i promovisanja projekata mladih i omladinskih udruženja sa područja Grada, a koji se odnose na jačanje kapaciteta mladih i njihove uloge u društvu;
- Jačanjem vizije da mladi žive zdravo, da budu uspješni i kreativni, solidarni i da doprinose održivom razvoju Grada;
- Podrške stručnom obrazovanju i zapošljavanju mladih;
- Pružanja podrške mladima s ciljem unapređenja njihovog učešća u kulturnom i društvenom životu Grada;
- Podrške projektima koji tretiraju zdrave životne stilove i navike;
- Podrške međunarodnoj saradnji u pogledu razmjene studenata sa kolegama iz evropskih partnerskih gradova i
- Obilježavanje Međunarodnog dana mladih 12.08.2022. godine.

2. U skladu sa Programom rada Gradskog vijeća za 2022. godinu, Gradska služba za obrazovanje, sport, kulturu i mlade iz oblasti mladih obraditi će materijale na sljedeće teme:

- Informacija o implementaciji plana djelovanja za mlade

OSTALO

1. Prijedlog programa „Obilježavanja 1. Marta – Dana nezavisnosti Bosne i Hercegovine“

- Gradska služba za obrazovanje, sport, kulturu i mlade će osmisлити i sačiniti prijedlog programa, dogovoriti angažman učesnika/umjetnika, angažirati tehničku i drugu podršku, rezervisati prostor te pratiti i učestvovati u realizaciji programa obilježavanja Dana nezavisnosti Bosne i Hercegovine.

2. Prijedlog programa „Obilježavanja 6. Aprila – Dana Grada Sarajeva“ u 2022. godini

Gradsko vijeće Grada Sarajeva je u skladu sa Programom rada Gradskog vijeća za 2021. godinu na sjednici održanoj 29.12.2021. godine, na prijedlog Službe, donijelo Odluku o davanju saglasnosti na predloženi Program obilježavanja 6. aprila – Dana grada Sarajeva za 2022. godinu.

Gradsko vijeće će u narednom periodu donijeti Odluku o formiranju Organizacionog odbora za pripremu i realizaciju programa obilježavanja Dana grada Sarajeva.

Prijedlog Programa obilježavanja 6. aprila – Dana grada Sarajeva za narednu godinu Gradska služba za obrazovanje, sport, kulturu i mlade će uputiti u decembru 2022. godine.

Kulturne manifestacije koje će se održati u skladu sa Programom obilježavanja 6. aprila – Dana grada Sarajeva za 2022. godinu su:

ŠESTOAPRILSKA IZLOŽBA „COLLEGIUM ARTISTICUM“ koja se tradicionalno organizuje u povodu Dana grada Sarajeva. Izložba posjeduje karakter kolektivnosti kao vrijednost koju treba njegovati u ime datuma kojem je posvećena i u ime sjećanja na bh. avangardu koju je predstavljala umjetnička grupa „Collegium artisticum“. To je prilika da tri umjetnička udruženja Bosne i

Hercegovine zajednički organizuju izložbu i stvaraju platformu za prezentaciju djela svojih članova i članica. Ovom prigodom, Grad Sarajevo zaslužnim umjetnicima dodjeljuje odgovarajuće novčane nagrade.

Cilj projekta „MOSTOVI MOGA GRADA“ je razvijanje kreativnosti, likovnosti i takmičarskog duha kod učenika, uz mentorstvo poznatih i priznatih umjetnika te da se kroz upoznavanje učenika s multikulturalnošću ambijenta grada Sarajeva, na najbolji način obilježi 6. april – Dan grada Sarajeva.

POZORIŠNE PREDSTAVE ZA DJECU

Grad Sarajevo će u saradnji sa partnerima koji se bave pozorišnom umjetnošću prirediti lutkarske predstave za naše najmlađe sugrađane, djecu grada Sarajeva, a kako bi se obilježavanje Dana grada Sarajeva približilo i njima te kako bi se razvio osjećaj ljubavi prema vlastitom gradu i važnosti ovog značajnog datuma.

ŠESTOAPRILSKI TURNIRI tradicionalno se organizuju u povodu obilježavanja Dana grada Sarajeva, 6. aprila. Turniri su organizovani na visokom nivou te okupljaju brojne domaće i međunarodne sportske ekipe koji svojim učešćem odaju počast gradu Sarajevu i ovom značajnom datumu.

S tim u vezi, Gradsko vijeće Grada Sarajeva donijelo je Odluku o utvrđivanju i načinu sufinansiranja sportskih manifestacija od posebnog interesa za Grad Sarajevo („Službene novine Kantona Sarajevo", broj 10/19). Istom su utvrđene manifestacije od posebnog interesa za Grad Sarajevo gdje spadaju i sljedeći Šestoprilski turniri:

- Memorijalni karate turnir „Kup oslobođenja – Salih Salko Ćurić“;
- Međunarodni memorijalni judo turnir „Vinko Šamarlić“;
- Međunarodni turnir u ritmičkoj gimnastici „Suada Dilberović“;
- Međunarodni Šestoaprilski turnir u kuglanju za slijepce i slabovidne osobe;
- Međunarodni Šestoaprilski turnir u streljaštvu;
- Međunarodni Šestoaprilski turnir u košarci;
- Međunarodni plivački miting „Sarajevu s ljubavlju“;
- Šestoaprilski turnir u hrvanju „Kup grada Sarajeva“ i
- Šestoaprilski turnir u streljaštvu za invalide.

3. Prijedlog programa „Obilježavanja 25. novembra – Dana državnosti Bosne i Hercegovine“

Gradska služba za obrazovanje, sport, kulturu i mlade će osmisliti i sačiniti prijedlog programa, dogovoriti angažman učesnika/umjetnika, angažirati tehničku i drugu podršku, rezervisati prostor te pratiti i učestvovati u realizaciji programa obilježavanja Dana državnosti Bosne i Hercegovine.

4. Javni doček Nove 2023. godine u gradu Sarajevu

U saradnji sa tradicionalnim partnerima Služba će razmotriti i eventualno početi sa pripremama za uspješnu organizaciju Javnog dočeka Nove godine u gradu Sarajevu s ciljem zadržavanja pozitivnog imidža grada Sarajeva na ljestvici najpoželjnijih turističkih destinacija u regiji i šire, a ovisno o epidemiološkoj situaciji u tom periodu.

LOKALNA SAMOUPRAVA

Glavni pravci djelovanja Gradske službe za lokalnu samoupravu i razvoj grada i u 2022. godini, temelje se na važećim propisima BiH, FBiH i Kantona Sarajevo, naročito onima koji se odnose na lokalnu samoupravu, te propisima Grada Sarajeva, tako da će u fokusu aktivnosti Službe biti:

- Praćenje eventualnog donošenja zakonskih i drugih akata aktuelnih za lokalnu samoupravu.
- Saradnja sa gradskim općinama, te odgovarajućim organima Kantona Sarajevo, kao i drugim nivoima vlasti u BiH, u skladu sa ustavnim odredbama BiH za glavni grad Sarajevo, Ustavom Federacije BiH, Ustavom Kantona Sarajevo, i Evropskom poveljom o lokalnoj samoupravi, kako bi se afirmisala uloga Grada Sarajeva kao jedinice lokalne samouprave i naročito glavnog grada BiH i FBiH, čime bi se svakako doprinijelo i razvoju i vođenju razvojne politike BH društva u cjelini.
- Implementacija već odobrenih, a nedovršenih projekata iz linija finansiranja, prvenstveno međunarodnih institucija, te apliciranje na nove javne pozive sa tih linija, jer je to vid leaderskog angažmana Grada, na polju iznalaženja dodatnih izvora finansiranja projekata, a naročito razvojnih projekata.

I Pregled tema

a) Iz Programa rada koje razmatra i usvaja Gradsko vijeće Grada Sarajeva, na prijedlog gradonačelnice, a čiji je obrađivač Služba

1. Iz okvira rada Odsjeka za lokalnu samoupravu:

Naziv materijala: **Odluka o usvajanju Akcionog plana rodne ravnopravnosti Grada Sarajeva (prijedlog)**

Pravni ili drugi osnov za izradu: Evropska povelja za zaštitu ljudskih prava i osnovnih sloboda, Evropska povelja o rodnoj ravnopravnosti na lokalnom nivou, **Error! Bookmark not defined.** Zakon o ravnopravnosti spolova u Bosni i Hercegovini, Gender akcioni plan Bosne i Hercegovine (GAP BiH), Statut Grada Sarajeva.

Nosilac izrade: Gradska služba za lokalnu samoupravu i razvoj grada u saradnji sa Komisijom za jednakopravnost spolova Gradskog vijeća Grada Sarajeva

Rok za izradu, odnosno razmatranje: mart 2022. godine

Organi koji će razmatrati materijal: Gradski savjet i Gradsko vijeće Grada Sarajeva

Kratak sadržaj materijala: Akcionim planom rodne ravnopravnosti Grada Sarajeva utvrđuju se ciljevi, mjere i aktivnosti koje će doprinijeti unapređenju rodne ravnopravnosti u Gradu Sarajevu. U dokumentu će se identifikovani prioriteti djelovanja, odrediti nosioci aktivnosti, vremenski okvir za njihovu realizaciju, kao i indikatori u ostvarivanju ciljeva za postizanje rodne ravnopravnosti.

Naziv materijala: **Informacija o saradnji i odnosima organa Grada Sarajeva sa vjerskim zajednicama i crkvama**

Pravni ili drugi osnov za izradu: Zakon o slobodi vjere i pravnom položaju crkava i vjerskih zajednica u BiH, a shodno članu 8. stav 3. alineja 1. Zakona o principima lokalne samouprave u FBiH i članu 11. Statuta Grada Sarajeva, što ukazuje i na potrebu informisanja Gradskog vijeća o navedenoj saradnji.

Nosilac izrade: Gradska služba za lokalnu samoupravu i razvoj grada

Rok za izradu, odnosno razmatranje: oktobar 2022. godine

Organi koji će razmatrati materijal: Gradski savjet i Gradsko vijeće Grada Sarajeva
Kratak sadržaj materijala: Informacija će biti bazirana na pokazateljima iz redovnog rada Službe, te eventualno pribavljenim i od Komisije za odnose sa vjerskim zajednicama i crkvama Gradskog vijeća Grada Sarajeva.

Naziv materijala: **Izveštaj o saradnji i odnosima Grada Sarajeva sa nacionalnim manjinama**
Pravni ili drugi osnov za izradu: Zakon o zaštiti prava pripadnika nacionalnih manjina i Odluka o načinu i postupku realizacije obaveze Grada Sarajeva u ostvarivanju prava nacionalnih manjina
Nosilac izrade: Gradska služba za lokalnu samoupravu i razvoj grada
Rok za izradu, odnosno razmatranje: decembar 2022. godine
Organi koji će razmatrati materijal: Gradski savjet i Gradsko vijeće Grada Sarajeva
Kratak sadržaj materijala: Izveštaj će da sadrži pregled aktivnosti na ovom području djelovanja, u skladu sa Odlukom o načinu i postupku realizacije obaveze Grada Sarajeva u ostvarivanju prava nacionalnih manjina.

Naziv materijala: **Informacija o stanju lokalne samouprave u Kantonu Sarajevo sa posebnim osvrtom na poziciju Grada Sarajeva**
Pravni ili drugi osnov za izradu: Ustav Kantona Sarajevo, važeći zakonski propisi za oblast lokalne samouprave i Statut Grada Sarajeva
Nosilac izrade: Gradska služba za lokalnu samoupravu i razvoj grada
Rok za izradu, odnosno razmatranje: u svako vrijeme, po potrebi
Organi koji će razmatrati materijal: Gradski savjet i Gradsko vijeće Grada Sarajeva
Kratak sadržaj materijala: Informacija će da sadrži pregled aktivnosti na ovom području djelovanja, u skladu sa navedenim pravnim osnovom i reformskim procesima.

2. Iz okvira rada Odsjeka za pripremu projekata:

Naziv materijala: **Informacija o projektima finansiranim iz međunarodnih i lokalnih fondova**
Pravni ili drugi osnov za izradu: Statut Grada Sarajeva
Nosilac izrade: Gradska služba za lokalnu samoupravu i razvoj grada
Rok za izradu, odnosno razmatranje: decembar 2022. godine
Organi koji će razmatrati materijal: Gradski savjet i Gradsko vijeće Grada Sarajeva
Kratak sadržaj materijala: Informacija će da sadrži relevantne pokazatelje i činjenice iz djelokruga rada Odsjeka za pripremu projekata, odnosno o implementiranim projektima koji su odobreni i finansirani iz međunarodnih i lokalnih fondova.

Naziv materijala: **Odluka o usvajanju Strateškog akcionog plana za jačanje institucija kulture i kreativnih industrija u gradu Sarajevu**
Pravni ili drugi osnov za izradu: Projekat CHIMERA +
Nosilac izrade: Gradska služba za lokalnu samoupravu i razvoj grada
Rok za izradu, odnosno razmatranje: februar/april 2022. godine
Organi koji će razmatrati materijal: Gradski savjet i Gradsko vijeće Grada Sarajeva
Kratak sadržaj materijala: Grad Sarajevo u okviru projekta Chimera+ koji implementira u saradnji sa SERDOM i radnom grupom koju čine predstavnici institucija kulture i kreativnih industrija, izrađuje Strateški akcioni plan za jačanje institucija kulture i kreativnih industrija. Akcioni plan će poslužiti kao osnov za implementaciju aktivnosti i projekata iz ovih oblasti.

Ostale teme iz nadležnosti Službe, po potrebi, u procedurama hitnosti i/ili skraćenog postupka.

II Projekti iz nadležnosti Službe shodno Budžetu Grada Sarajeva za 2022. godinu

Budžetska sredstva i aktivnosti Odsjeka za lokalnu samoupravu

(konto 614300 – Tekući transferi neprofitnim organizacijama)

1. Sredstva za vjerske zajednice i crkve

Od 2007. godine u Budžetu Grada Sarajeva redovno se planiraju „Sredstva za vjerske zajednice i crkve“, a koja se zatim realizuju u skladu sa Pravilnikom o kriterijima za raspodjelu i dodjelu sredstava tekućeg granta u Budžetu Grada Sarajeva za potrebe vjerskih zajednica i crkava. U Budžetu Grada Sarajeva za 2022. godinu na ovoj stavci planirana su sredstva u iznosu od 100.000 KM. Služba će, u administrativnom smislu, pripremiti potrebne pisane materijale i ugovore za realizaciju svih aktivnosti potrebnih za raspodjelu sredstava ovoga granta.

2. Opremanje i uređenje prostora narodnih kuhinja u gradu – Obezbjedenje hrane i drugih potreba Javnih kuhinja u gradu

Svake godine u Budžetu Grada Sarajeva, planiraju se i raspoređuju sredstva za opremanje i uređenje prostora narodnih kuhinja u gradu, obezbjedenje hrane i drugih potreba javnih kuhinja u gradu, te su tako i u Budžetu za 2022. godinu planirana sredstva i to u iznosu od 80.000 KM, za istu svrhu. Raspodjela sredstava se vrši shodno podacima JU Kantonalnog centara za socijalni rad – Sarajevo, a koje pribavljamo od Ministarstva za rad i socijalnu politiku Kantona Sarajevo. Korisnici sredstava ovog granta su javne kuhinje: Crveni križ, Caritas, Kruh Svetog Ante, Merhamet, Stari Grad i Dobrotvor.

Služba će, u administrativnom smislu, pripremiti potrebne pisane materijale i ugovore za realizaciju svih aktivnosti potrebnih za raspodjelu sredstava ovoga granta.

3. Nacionalne manjine – Primjena Odluke 10.000 KM

U skladu sa Zakonom o zaštiti prava pripadnika nacionalnih manjina, Gradsko vijeće Grada Sarajeva je donijelo Odluku o načinu i postupku realizacije obaveze Grada Sarajeva u ostvarivanju prava nacionalnih manjina („Službene novine Kantona Sarajevo”, broj 26/08) Shodno ovoj odluci evidentirano je da na području grada Sarajeva djeluju udruženja dvanaest nacionalnih manjina, čije projekte, u skladu sa mogućnostima i prema značaju, Grad Sarajevo tradicionalno podržava.

4. Vijeće kongresa bošnjačkih intelektualaca 10.000 KM

Hrvatsko narodno vijeće 5.000 KM

Srpsko građansko vijeće 5.000 KM

Finansiranje je u skladu sa Odlukom o utvrđivanju posebnog značaja za Grad Sarajevo za udruženja: Vijeće kongresa bošnjačkih intelektualaca, Srpsko građansko vijeće – Pokret za ravnopravnost u BiH i Hrvatsko narodno vijeće u BiH („Službene novine Kantona Sarajevo“, broj 2/21).

5. Podrška programskim aktivnostima nacionalnih kulturnih društava/zajednica – BZK Preporod, HDK Napredak, SPDK Prosvjeta i JKPiHD La Benevolencija 20.000 KM

Finansiranje je u skladu sa Odlukom o utvrđivanju nacionalnih kulturnih društava od posebnog značaja za Grad Sarajevo („Službene novine Kantona Sarajevo“, broj 31/20).

6. Udruženje „Obrazovanje gradi Bosnu i Hercegovinu“ 10.000 KM
Finansiranje je u skladu sa Odlukom o utvrđivanju posebnog značaja za Grad Sarajevo Udruženja „Obrazovanje gradi Bosnu i Hercegovinu“ („Službene novine Kantona Sarajevo“, broj 24/21).

7. Asocijacija nezavisnih intelektualaca „Krug 99“ 10.000 KM
Finansiranje je u skladu sa Odlukom o utvrđivanju posebnog značaja za Grad Sarajevo za Udruženje „Asocijacija nezavisnih intelektualaca – krug 99“ („Službene novine Kantona Sarajevo“, broj 49/20).

8. Projekat „Sigurna kuća“ 10.000 KM
U Budžetu Grada Sarajeva tradicionalno se planiraju sredstva za podršku projektu Fondacije lokalne demokratije „Sigurna kuća“, u kojoj su smještene žene i djeca – žrtve nasilja u porodici.

9. Ostali projekti:
- Udruženje generala Armije BiH 7.000 KM
- Realizacija planskih aktivnosti Udruženja roditelja ubijene djece opkoljenog Sarajeva 92.-95. 5.000 KM
- UG Gorska služba spašavanja Trebević 10.000 KM
- Podrška projektima dobrovoljnih vatrogasnih društava na području gradskih općina 50.000 KM

U skladu sa DOB dokumentom i dosadašnjom praksom, planirana su ova budžetska sredstva.

Budžetska sredstva i aktivnosti Odsjeka za pripremu projekata

(konto 613900 – Ugovorene i druge posebne usluge)

1. Sufinansiranje projekata koji se finansiraju iz međunarodnih fondova 130.000 KM
Grad Sarajevo ima trend porasta broja aplikacija na EU i druge fondove, a obzirom na činjenicu da svi navedeni fondovi predviđaju sufinansiranje od strane aplikantata, kao i činjenicu da često donatori sredstva uplaćuju tek nakon provedenih projektnih aktivnosti, planiraju su sredstva u navedenom iznosu.

2. Participacija za apliciranje na međunarodne/lokalne fondove i sufinansiranje projekata 50.000 KM
Grad Sarajevo nastavlja trend uspješnog povlačenja sredstava iz međunarodnih i domaćih fondova. U tom procesu često je potrebno obezbijediti određeno sufinansiranje ili je potrebno izvršiti sva plaćanja a donator po odobravanju finalnog izvještaja sve troškove refundira. Shodno navedenom, planirana su sredstva koja će olakšati i ubrzati proces obezbjeđivanja dodatnih sredstava kroz dostupne fondove.

I u 2022. godini, po sticanju adekvatnih pravnih pretpostavki, aktivno će se raditi, saradjući sa nadležnim Službama/resorima, na implementaciji međunarodnih i drugih finansijskih projekata koji su već odobreni:

1. TRIBUTE- Adrion
2. Food Waste
3. Future Cities of South East Europe

4. Connecting Nature (Urbana bašta)
5. Grad filma UNESCO
6. Biciklistička staza Sarajevo – Pale
7. IMPAKT Inkubator poslovnih ideja
8. Urban Transformation Project Sarajevo/ Grad CiriH
9. Re-imagine my street UNDP
10. CHIMERA
11. Creative industries/ UK
12. Smart City /Sharing cities
13. Education for all/ Slovačka ambasada i JU Zavod Mjedenica
14. EU 100 Climate Neutral Cities

Pored implementacije navedenih projekata, paralelno će se radi na pripremi novih aplikacija i projekata, a uz to i praćenju novi javni poziva koji se objavljuju za apliciranje na međunarodne/lokalne finansijske fondove. Grad Sarajevo je već provjeren poželjan partner u apliciranju i implementaciji projekata finansiranih iz međunarodnih fondova, naročito zahvaljujući razumijevanju i uloženom trudu manjeg broja entuzijasta i saradnika, koji su odlučni da i na taj način doprinose liderstvu glavnog grada BiH i FBiH. Zbog toga je, cijenimo realna naša nada da će se ovaj trend zadržati i povećavati i u 2022. godini, a nije zanemarivo da se ovakvim načinom rada, za određene potrebe u našoj zajednici obezbjeđuju dodatna finansijska sredstva, ona koja nisu moguća i ostvariva kada se ima u vidu oskudnost gradskog budžeta.

III Ostale aktivnosti Službe

Služba će poduzimati potrebne aktivnosti shodno djelokrugu rada i ovlaštenju dobivenom od Gradonačelnice, a po potrebi će obezbjeđivati i prisustvo na skupovima i sastancima tijela te stručnih tijela kao i na drugim skupovima stručnog karaktera i skupovima organizacija civilnog društva.

IV Teme od interesa za razgovore

Uspostavljanje stvarne i funkcionalne lokalne samouprave u Kantonu Sarajevo, na mjeru svima, ali i sa bitnim akcentom na razumijevanju interesa društva u cjelini i Grada Sarajeva, kao glavnog grada BiH i FBiH, te sjedišta KS.

Sve teme i tematiziranje razumijevanja, civilizacijskih trendova razvoja i napretka, kao i sistema vrijednosti čija je svrha dobrobit ljudi – činioca i stvaraoca razvijenih društava.

LOKALNO POSLOVANJE

I Uvod

Zakonom o principima lokalne samouprave u FBiH („Službene novine FBiH“, br. 49/06 i 51/09) u nadležnosti jedinica lokalne samouprave, između ostalog spada i:

- donošenje programa i planova razvoja jedinice lokalne samouprave i stvaranje uslova za privredni razvoj i zapošljavanje,
- ocjenjivanje rada ustanova i kvaliteta usluga u djelatnosti zdravstva, socijalne zaštite, te osiguranje finansijskih sredstava za unapređenje njihovog rada i kvaliteta usluga u skladu s potrebama stanovništva i mogućnostima jedinice lokalne samouprave i
- preduzimanje mjera za osiguranje higijene i zdravlja.

Statutom Grada Sarajevo („Službene novine Kantona Sarajevo“, broj 34/08 – prečišćeni tekst) propisana je nadležnost, između ostalog i za:

- lokalne zdravstvene službe,
- lokalni turizam i
- lokalni biznis.

Odlukom o organizaciji i djelokrugu organa uprave Grada Sarajevo („Službene novine Kantona Sarajevo“, broj 24/21) osnovana je Služba za lokalno poslovanje, koja se konstituisala u septembru 2021. godine, a u okviru koje se obavljaju navedeni poslovi.

U djelokrugu rada Službe, među ostalim, su:

- aktivnosti za razvoj turizma i turističke infrastrukture grada i saradnja s turističkim zajednicama,
- mjere za razvoj grada u smislu ulaganja i investiranja u projekte koji podrazumijevaju i saradnju s regijama i drugim gradovima u BiH, stranim partnerima i privatnim investitorima,
- saradnja s lokalnim organima uprave FBiH i Savezom općina i gradova FBiH i
- iniciranje i realizacija saradnje sa zdravstvenim ustanovama, kao i javnim ustanovama, vladinim i nevladinim organizacijama dječje i porodične zaštite.

Grad Sarajevo ima obavezu da radi na unapređenju kvaliteta usluga u oblasti zdravstva, u granicama svojih finansijskih mogućnosti i nadležnosti. Tu svoju obavezu ispunjava kroz sufinansiranje i nabavku potrebnih medicinskih aparata, ali i na druge načine na osnovu potreba zdravstvenih službi primarne zdravstvene zaštite.

Pomoć socijalno ugroženim, ustanovama i organizacijama koje brinu o djeci bez roditeljskog staranja, osobama treće životne dobi koji nisu u mogućnosti da sebi osiguraju minimalne egzistencijalne potrebe, kao i u drugim socijalnim slučajevima, Grad Sarajevo će nastaviti pružati u skladu s kriterijima i raspoloživim finansijskim kapacitetima.

U oblasti lokalnog turizma, a u saradnji s Turističkom zajednicom Kantona Sarajevo, Grad Sarajevo će realizovati projekte za razvoj, unaprjeđenje i promociju turizma kao što su javni doček Nove godine. U skladu sa raspoloživim finansijskim sredstvima radit ćemo na organizaciji domaćih i međunarodnih sajmova, te promociji ljetne i zimske turističke sezone.

Grad Sarajevo kao glavni grad Bosne i Hercegovine, Federacije BiH i sjedište Kantona Sarajevo ima posebnu ulogu kada je riječ o lokalnom poslovanju i dužan je raditi na njegovom unapređenju. U tom smislu, realizacija projekata iz oblasti turizma ima direktan utjecaj na razvoj lokalnog biznisa svih sudionika u turističkom lancu vrijednosti.

Na realizaciju navedenih aktivnosti uticat će raspoloživa budžetska sredstva odobrena od strane Gradskog vijeća Grada Sarajeva za 2022. godinu.

II Realizacija Programa rada Gradskog vijeća Grada Sarajeva za 2022. godinu u oblasti lokalnog poslovanja

Informacija o saradnji Grada Sarajeva sa zdravstvenim, javnim ustanovama porodične i dječje zaštite

Predlagač: Gradonačelnica

Obrađivač: Gradska služba za lokalno poslovanje

Rok: Novembar 2022. godine

Pravni ili drugi osnov: Član 74. stav 1. Statuta Grada Sarajeva

Kratki sadržaj materijala: Detaljno upoznavanje Gradskog vijeća Grada Sarajeva o realizaciji aktivnosti iz oblasti lokalnih zdravstvenih službi.

Informacija o realizaciji Protokola o poslovno-tehničkoj saradnji između Grada Sarajeva i Turističke zajednice Kantona Sarajevo

Predlagač: Gradonačelnica

Obrađivač: Gradska služba za lokalno poslovanje

Rok: Novembar 2022. godine

Pravni ili drugi osnov: Član 74. stav 1. Statuta Grada Sarajeva

Kratki sadržaj materijala: Detaljno upoznavanje Gradskog vijeća Grada Sarajeva o realizaciji aktivnosti iz oblasti turizma u skladu s potpisanim Protokolom o poslovno-tehničkoj saradnji s Turističkom zajednicom Kantona Sarajevo.

Informacija o saradnji i kontaktima Grada Sarajeva s lokalnim organima uprave u FBiH

Predlagač: Gradonačelnica

Obrađivač: Gradska služba za lokalno poslovanje

Rok: Kad se steknu uslovi

Pravni ili drugi osnov: Član 74. stav 1. Statuta Grada Sarajeva

Kratki sadržaj materijala: Detaljno upoznavanje Gradskog vijeća Grada Sarajeva o realizaciji aktivnosti i ostvarenim kontaktima s lokalnim organima uprave u FBiH.

Informacija o saradnji i aktivnostima Grada Sarajeva sa Savezom općina i gradova FBiH i srodnim savezima u BiH i regiji

Predlagač: Gradonačelnica

Obrađivač: Gradska služba za lokalno poslovanje

Rok: Kad se steknu uslovi

Pravni ili drugi osnov: Član 74. stav 1. Statuta Grada Sarajeva

Kratki sadržaj materijala: Detaljno upoznavanje Gradskog vijeća Grada Sarajeva o aktivnostima u Savezu općina i gradova FBiH i srodnim savezima u BiH i regiji.

III Aktivnosti u oblasti lokalnog poslovanja u 2022. godini

Saradnja s Turističkom zajednicom Kantona Sarajevo

Protokolom o poslovno-tehničkoj saradnji između Grada Sarajeva i Turističke zajednice Kantona Sarajevo, potpisanim u aprilu 2021. godine, definisano je imenovanje koordinatora i formiranje zajedničkih timova za realizaciju projekata od značaja za razvoj turizma, unaprjeđenje i promociju turizma i u vezi s turizmom.

U skladu s navedenim Protokolom, planirana je realizacija projekata za razvoj, unaprjeđenje i promociju turizma, kao što su javni doček Nove godine, organizacija domaćih i međunarodnih sajmova, te promocija ljetne i zimske turističke sezone.

Turizam je jedna od najbrže rastućih privrednih grana na području Kantona pa i grada Sarajeva. Taj rast u predpandemijsko vrijeme je na godišnjem nivou iznosio cca. 15% pa i više. Prema podacima federalnog Zavoda za statistiku iz 2018. od ukupnog broja noćenja za 2018. godinu, polovina je ostvarena u Kantonu Sarajevo. To je jedan od pokazatelja da se isplati ulagati u ovaj sektor, koji opet kroz potrošnju turista pozitivno utječe i na proizvodnju i plasman prehrambenih proizvoda, raznih usluga pa čak i na građevinski sektor, jer jedan dio turista se nakon posjete Sarajevu odlučuje i na kupovinu nekretnina.

Dobar dio noćenja realizuje se i u privatnim smještajnim kapacitetima te se s te strane nameće potreba da se kroz osmišljene programe promocije afirmiše i ovaj segment turističke ponude.

Promocija Sarajeva kao jedinstvene turističke destinacije još uvijek nije dovoljna. Ta činjenica upućuje Grad Sarajevo na intenzivniju saradnju s Turističkom zajednicom Kantona Sarajevo. S tim u vezi, prema kalendaru dešavanja u zimskoj i ljetnoj turističkoj sezoni planira se njihova promocija, naročito u regionu. Cilj je predstaviti Sarajevo privlačnom i atraktivnom turističkom destinacijom koju vrijedi posjetiti tokom cijele godine.

Javni doček Nove godine

Grad Sarajevo tradicionalno organizuje ili učestvuje u organizaciji događaja koji direktno ili indirektno utječu na lokalno poslovanje. Takve aktivnosti će biti nastavljene u skladu s razvojem situacije i ograničenjima uzrokovanih pandemijom korona virusa.

Organizacija javnog dočeka Nove godine događaj je koji privlači turiste iz Bosne i Hercegovine, ali i iz regije. Istraživanja su pokazala da je u danima pred i poslije Nove godine značajno povećan broj noćenja, ali i ukupna potrošnja, a što direktno utječe na lokalno poslovanje. Stručne procjene ukazuju da je novac uložen u organizaciju javnog dočeka Nove godine dobra investicija, a ne trošak, ako se ima u vidu prihod koji se ostvari u tom periodu.

Za bolju organizaciju javnog dočeka Nove godine nužno je unaprijediti partnerstvo s Turističkom zajednicom Kantona Sarajevo, ali i gradskim općinama čiji privredni subjekti imaju direktnu korist od povećane potrošnje u tom periodu.

Zimska čarolija

Sufinansiranje realizacije manifestacije Zimska čarolija – kulturno zabavnih i edukativnih aktivnosti za 2022./2023. godinu. U okviru manifestacije na prostoru platoa Centra Skenderija od 5.000 m² u ponudi posjetiocima je i **klizalište veličine 2.500 metara kvadratnih, nova atrakcija „Ledeni tobogan“, kao i gastronomska ponuda**

Sarajevski festival turizma

Sarajevski festival turizma predstavlja mjesto okupljanja svih učesnika turističke ponude te je time bitno marketinško sredstvo za prezentaciju ponude turističkih destinacija i usluga. Program obuhvata prezentaciju domaće turističke ponude, domaćih turističkih i prirodnih potencijala, promociju domaćih turoperatora i turističkih kompanija, turističkih kapaciteta pića. Sarajevski festival turizma planirano je da se održi od 30.03. do 01.04.2022. godine.

Svečana rasvjeta u vrijeme novogodišnjih praznika

U 2022. godini planira se nabavku opreme i materijala za praznično ukrašavanje koje daje poseban doživljaj za građane i posjetioce Sarajeva. Posebna pažnja bit će posvećena novim tehnologijama i inovativnim rješenjima u ovoj oblasti. Prateći trendove svjetskih metropola, a uz učešće svih općina u Kantonu Sarajevo i Kantona Sarajevo, planira se nabavka svečane rasvjete koje će dodatno obogatiti prazničnu atmosferu u našem gradu.

Sarajevo Holiday market

Prateći događaj koji upotpunjuje prazničnu atmosferu, ali i daje dopunske sadržaje je i Sarajevo Holiday market koji se tradicionalno održava u decembru i januaru. I ovaj događaj Grad Sarajevo

redovno podržava, jer pozitivno utječe na turističku ponudu, ali i potrošnju gostiju koji posjećuju Sarajevo.

U saradnji s drugim gradskim općinama razmotrit će se ideja da se Holiday market proširi na sve gradske općine, obzirom da u svakoj općini postoje prostorne mogućnosti za organizovanje zabave za građane i goste Sarajeva. To u krajnjoj instanci podstiče lokalno poslovanje u uslužnoj, ali i drugim djelatnostima.

Sarajevo Business forum

Grad Sarajevo tradicionalno učestvuje u organizaciji međunarodnog Sarajevo biznis foruma koji okuplja poslovne ljude iz cijelog svijeta. I ovaj događaj Grad Sarajevo će nastaviti podržavati u granicama svojih mogućnosti, jer direktno i indirektno utječe na lokalno poslovanje. Organizacija samog događaja koje rezultira stranim investicijama ima pozitivan efekat i na lokalno poslovanje u Sarajevu, ali i u cijeloj BiH. Sarajevo Business Forum planiran je 11. i 12.05.2022. godine.

Saradnja s općinama i gradovima u FBiH

Grad Sarajevo treba se otvoriti prema svim gradovima u FBiH, ali i u BiH, kako bi privrednici osjetili da njihovo poduzetništvo ima podršku glavnog grada Bosne i Hercegovine. Stoga se planira obilazak gradova i općina za koje se procijeni da bi bio racionalan i svrsishodan i u interesu lokalne privrede. U toj namjeri, saradnja sa Savezom općina i gradova u FBiH, čiji član je Grad Sarajevo, je logična i racionalna. Koordinacija s tog nivoa, kao i iskustvo ove organizacije bi koristilo kako bi planirani ciljevi bili ostvareni na što većem nivou i u što kraćem vremenu. Objedinjavanje ponude privrednih resursa lokalnih zajednica u FBiH učinila bi privredne subjekte konkurentnim i privlačnim stranim investitorima. Grad Sarajevo može biti inicijator, a kasnije i okosnica budućih aktivnosti.

Podrška očuvanju starih zanata/obrta

Na osnovu Sporazuma o saradnji na osnaživanju obrtničke djelatnosti, potpisanog između Grada Sarajeva i Obrtničke komore Kantona Sarajevo iz 2018. godine, u Budžetu Grada Sarajevo planirana su sredstva za njegovu realizaciju.

Stari zanati/obrta predstavljaju bitan segment domaće proizvodnje koji omogućava samozapošljavanje i zapošljavanje znatnom broju osoba te se na taj način se osigurava njihova egzistencija. Također, omogućavaju zadovoljenje različitih potreba stanovništva te tako popunjava niz tržišnih segmenata koji nisu dovoljno atraktivni za veće privredne subjekte, čime se istovremeno život stanovništva čini lakšim i ugodnijim. Posebno je važno istaći da specifične vrste obrta, kao što su tradicionalni umjetnički zanati, garantuju opstanak tradicije i očuvanja kulturnog identiteta te upotpunjuju turističku ponudu originalnim proizvodima i uslugama.

Obrana BiH – Igman 2022.

Sufinansiranje tradicionalne manifestacije „Obrana Bosne i Hercegovine – Igman 2022“, koja se održava početkom augusta svake godine, podrazumijeva odavanje počasti, vjerske obrede, te spomen i sjećanje na šehide i poginule borce Armije i MUP-a Republike Bosne i Hercegovine, uz prigodan kulturno-umjetnički program, okrugli stol i druge sadržaje.

Podrška projektima lokalnih zdravstvenih službi, dječje i porodične zaštite i socijalno ugroženim kategorijama stanovništva

U oblasti lokalne zdravstvene službe Grad Sarajevo će nastaviti pružati podršku javnim zdravstvenim ustanovama i organizacijama dječje i porodične zaštite te inicirati projekte i programe koji će doprinijeti očuvanju i unaprjeđenju zdravlja.

U saradnji s JU Dom zdravlja Kantona Sarajevo definisat će prioritete potrebe u svrhu unaprjeđenja usluga primarne zdravstvene zaštite u domovima zdravlja na području četiri gradske općine.

Grad Sarajevo će pružati podršku projektnim aktivnostima javnih ustanova i organizacija koje se bave brigom i zaštitom djece bez roditeljskog staranja.

Grad Sarajevo kontinuirano finansira rad i SOS Dječja sela BiH te će i u 2022. godini realizovati sredstva iz Budžeta za programske aktivnosti SOS porodicama. S braćom, sestrama i SOS roditeljima, djeca imaju priliku odrastati u porodičnom okruženju uz roditeljsku ljubav.

Od 2022. godine Grad Sarajevo će pružiti finansijsku podršku Udruženju Porodica tri plus koje radi na podizanju kvaliteta života, kao i osnaživanju integriteta višečlanih porodica.

Grad Sarajevo će nastaviti podržavati rad Udruženja Srce za djecu koja boluju od raka u FBiH – Roditeljska kuća te Centra za odgoj, obrazovanje i rehabilitaciju Vladimir Nazor.

U svrhu osiguranja uslova za dostojan život oboljelih od distrofije, dio sredstava iz Budžeta Grada Sarajeva će se realizovati za nabavku pomagala, rezervnih dijelova za elektromotorna kolica te servisiranje i popravku kolica potrebnih za kretanje i obavljanje svakodnevnih aktivnosti. Na ovaj način Grad Sarajevo će dati doprinos stvaranju uslova za samostalan život oboljelih od distrofije kako bi se smanjila potreba za konstantnim prisustvom ličnog pratioca.

Grad Sarajevo će i u 2022. godini nastaviti finansirati programske aktivnosti udruženja oboljelih od Morbus Crohn – ove bolesti i ulceroznog kolitisa, obzirom da oboljeli trebaju skupe tretmane liječenja, a radi bolesti nemaju mogućnost zapošljavanja.

Također, budžetska sredstva Udruženju osoba oboljelih od celijakije „No Gluten“ KS bit će realizovana za nabavku i dodjela bezglutenskih proizvoda članovima Udruženja.

Grad Sarajevo tradicionalno podržava rad Udruženje Think pink – Trka/Šetnja za ozdravljenje, koja se u BiH održava od 2008. godine. Ovoj utrci svake godine priključi se sve veći broj učesnika koji svojim saosjećanjem i aktivnim učešćem u simboličnoj trci za život rade na osnaživanju zdravlja žena u borbi protiv karcinoma dojke.

Podrškom socijalno ugroženim građanima – onima čija su primanja ispod utvrđenog minimuma ili su uslijed različitih životnih okolnosti došli u potrebu za socijalnom zaštitom, omogućava se da žive s više dostojanstva i unaprijedi kvaliteta života.

Dodjela javnih sredstava iz Budžeta Grada Sarajeva fizičkim licima za potrebe liječenja i u stanju socijalne potrebe dodjeljivat će se na osnovu utvrđenih kriterija i shodno raspoloživim sredstvima.

GRADSKA SLUŽBA ZA POSLOVE I AKTIVNOSTI INFORMATIVNOG CENTRA O MKSJ SARAJEVO

U skladu sa Odlukom o organizaciji i djelokrugu organa uprave grada Sarajeva, Gradska služba za poslove Informativnog centra vrši sljedeće poslove:

- Predlaže i priprema propise i druge akte iz nadležnosti službe koje donosi Gradsko vijeće i gradonačelnica;
- prati stanje zakonske regulative u oblasti za koju je osnovana; informiše javnost o pitanjima ratnih zločina, uspostavlja snažne vanjske komponente, uključujući: komponentu tranzicione pravde i suočavanja s prošlošću organizovanjem raznih informativnih i edukativnih javnih događaja; komponentu podrške pravnim profesionalcima i grupama civilnog društva koji se bave ratnim zločinima pred domaćim sudovima u Bosni i Hercegovini;
- izložbenu komponentu – prikaz rada Međunarodnog krivičnog suda za bivšu Jugoslaviju (u daljnjem tekstu: MKSJ) i sudova u Bosni i Hercegovini na donošenju presuda u predmetima ratnih zločina; izrađuje razne propise i druge odluke iz svoje nadležnosti;
- saraduje sa sredstvima informisanja po svim pitanjima aktivnosti Informativnog centra;
- priprema i organizuje poslove vezane za uključivanje Grada Sarajeva u dostupne programe tehničko-finansijske pomoći, u saradnji sa specijalistima MKSJ i arhivskom materijalu sadržanom u online bazama podataka MKSJ;
- obezbjeđuje održavanje i nesmetano funkcionisanje sistema; stara se o ispravnosti i funkcionisanju instalisane računarske, programske, komunikacione i druge prateće opreme u Informativnom centru; pruža stručno-tehničku pomoć korisnicima baze podataka, rješava softverske i mrežne probleme; održava WEB stranicu Službe;
- daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koje donose organi Kantona Sarajevo i Federacije BiH; vrši i druge poslove za koje je osnovana, kao i poslove koje joj u zadatak stavi gradonačelnica.

Veći dio aktivnosti Službe odnosi se na poslove razvoja mandata Informativnog centra o Međunarodnom krivičnom sudu za bivšu Jugoslaviju (MKSJ) Sarajevo koji je službeno počeo sa radom 23. maja 2018. godine.

Informativni centar o MKSJ Sarajevo nastao je na temelju potpisanog Memorandum o razumijevanju između Međunarodnog krivičnog suda za bivšu Jugoslaviju (MKSJ) i Grada Sarajeva za razvoj Informativnog centra Sarajevo, a Gradsko vijeće Grada Sarajeva donijelo je Odluku o davanju saglasnosti na citirani memorandum („Službene novine Kantona Sarajevo“, broj 50/16). Informativni centar o MKSJ Sarajevo sa sjedištem u Vijećnici zvanično je počeo sa radom 23.05.2018. godine. Mandat Informativnog centra se sastoji u tome da pruži javnosti ažuran, direktan i bezbjedan elektronski pristup svim javno dostupnim spisima Tribunala i arhivskom materijalu sadržanom u online bazama podataka MKSJ, kao i da obavlja poslove informisanja javnosti o pitanjima ratnih zločina, doprinoseći tako procesu tranzicione pravde i jačanju vladavine prava u BiH i regionu uspostavljanjem snažne outreach komponente, uključujući: komponentu tranzicione pravde – organizovanjem raznih informativnih i edukativnih javnih događaja, komponentu podrške pravnim

profesionalcima i civilnom društvu koji se bave ratnim zločinima pred domaćim sudovima u BiH – kroz aktivnosti na izgradnji njihovih kapaciteta i izložbenu komponentu – prikaz rada MKSJ i sudova u BiH na donošenju presuda u predmetima ratnih zločina.

Poslovi Centra (mandat) je stavljen u djelokrug Gradske službe za poslove Informativnog centra o MKSJ Sarajevo temeljem Pravilnika o unutrašnjoj organizaciji i sistematizaciji radnih mjesta organa uprave Grada Sarajeva, broj 01/04-04-3834/21 od dana 12.07.2021. godine, a na koji je Gradsko vijeće Grada Sarajeva na Drugoj sjednici, održanoj dana 02.06.2021. godine, dalo saglasnost svojom Odlukom o davanju saglasnosti na Pravilnik o unutrašnjoj organizaciji i sistematizaciji radnih mjesta organa uprave Grada Sarajeva („Službene novine Kantona Sarajevo“, broj 24/21).

Informativni centar o MKSJ Sarajevo je prvi centar ove vrste u regionu koji istovremeno razvija sve komponente svog mandata i koji je za godinu i pol dana svoga djelovanja kapacitirao svoje resurse (prostor, tehnika) i proveo niz aktivnosti koje su imale za cilj afirmaciju svih komponenti njegovog mandata. Između ostalog, Centar je u cijelosti omogućio online pristup dostupnoj arhivskoj građi MKSJ, ugostio preko 200 domaćih i stranih studenata, istraživača i učenika, uspostavio nekoliko značajnih saradnji sa akademskom zajednicom, pravosuđem i relevantnim udruženjima, održao nekoliko međunarodnih konferencija, te omogućio da dio njegovog sadržaja bude i originalna sudnica Tribunala koja je dopremljena iz Haga i koju svakodnevno obilaze i turisti našeg grada i tako se upoznaju i sa novijom historijom naših prostora na temelju činjenica koje je utvrdio Tribunal u svojim pravosnažnim presudama.

II PLANIRANI PROGRAM RADA U 2022. GODINI

1. Normativne aktivnosti

U skladu sa usvojenim Programom rada Gradskog vijeća Grada Sarajeva za 2022. godinu, Gradska služba za poslove Informativnog centra o MKSJ Sarajevo će u 2022. godini biti obrađivač sljedećih materijala:

1. Odluka o davanju saglasnosti na Program aktivnosti za Dan obilježavanja opsade Sarajeva 1992.-1995. (prijedlog), razmatranje akta programirano za septembarsku sjednicu Gradskog vijeća Grada Sarajeva;
2. Informacija o aktivnostima Informativnog centra o Međunarodnom krivičnom sudu za bivšu Jugoslaviju Sarajevo, priprema i primanje k znanju informacije programirano za decembarsku sjednicu Gradskog vijeća Grada Sarajeva;
3. Odluka o davanju saglasnosti na Program aktivnosti Informativnog centra o Međunarodnom krivičnom sudu za bivšu Jugoslaviju Sarajevo za obilježavanje datuma od značaja za očuvanje sjećanja na žrtve ratnih zločina i borbu protiv kršenja međunarodnog humanitarnog prava (prijedlog), razmatranje akta na sjednici Gradskog vijeća Grada Sarajeva će biti predloženo kada se steknu uslovi;
4. Odluka o obilježavanju Dana Bijelih traka u znak sjećanja na žrtve ratnih zločina u Prijedoru (nacrt), razmatranje akta programirano za septembarsku sjednicu Gradskog vijeća Grada Sarajeva;
5. Odluka o obilježavanju Dana sjećanja na žrtve genocida u Srebrenici (nacrt), programirano za martovsku sjednicu Gradskog vijeća Grada Sarajeva;
6. Odluka o davanju sagalsnosti na Memorandum o saradnji Grada Sarajeva sa Memorijalom u Nürnbergu (prijedlog), programirano za septembarsku sjednicu Gradskog vijeća Grada Sarajeva;

7. Odluka o davanju saglasnosti na Memorandum o saradnji Grada Sarajeva i Auschwitz Memorijala (prijedlog), programirano za novembarsku sjednicu Gradskog vijeća Grada Sarajeva i

8. Odluka o davanju saglasnosti na Memorandum o saradnji Grada Sarajeva s Informativnim centrom o Međunarodnom krivičnom sudu za Ruandu u Arushi (Ruanda) razmatranje akta na sjednici Gradskog vijeća Grada Sarajeva će biti predloženo kada se steknu uslovi.

2. Informativne i edukativne aktivnosti

Gradska služba za poslove Informativnog centra će u 2022 godini, u saradnji sa ostalim službama, organizovati sljedeće događaje:

- Gradsko vijeće Grada Sarajeva donijelo je Odluku o Danu obilježavanja opsade Sarajeva 1992.-1995., broj 01-GV-02-1132/21 od 29.09.2021. godine („Službene novine Kantona Sarajevo“, broj 41/21) na septembarskoj sjednici, međutim došlo do izmjena i dopuna predloženog programa te će Služba u saradnji sa ostalim službama pripremiti Odluku o saglasnosti na izmjene i dopune programa obilježavanja opsade Sarajeva koje će biti naknadno razmatrati na februarskoj sjednici;
- **04.04. 2022. godine:**
- Otvaranje izložbe Paul Lowe pod nazivom izložba fotografija „Sarajevo pod opsadom“
- **05.04.2022. godine:**
- Polaganje cvijeća na ključnim lokacijama stradanja civila u Sarajevu;
- Centralna manifestacija;
- Organizovanje Međunarodne konferencije „30 godina poslije – Sarajevo“ i
- Video projekcija imena stradale djece i fotografije sarajevskih ruža u opsadi Sarajeva na fasadi Vijećnice.

Narednih mjeseci Služba će pokušati planirati realizovanje manjih projekata u cilju obilježavanja 30 godina od rata u BIH, projekti će obuhvatati regije koje su bile zahvaćene ratnim dešavanjima kao što su Foča, Prijedor, Višegrad, a koji bi se realizovali u prostorijama Centra uz tehniku koju centar posjeduje. Projekti bi bili prilagođeni studentima i istraživačima uz prikazivanje prigodnog filma koji je kreiran za potrebe regija od strane MRMKS sa učešćem jednog od relevantnog govornika/učesnika. Za potrebe projekata potrebno je obezbijediti u Budžetu 20.000,00 koje nisu obezbjeđene ni planirane za potrebe projekata.

U februaru će Udruženje, Pravnici u saradnji Pravnim fakultetom i Informativnim centrom, jedan dio zimske aktivnosti realizovati u prostorijama ICS sa domaćim i inostranim studentima gdje će biti održana predavanja u vezi međunarodnog krivičnog i humanitarnog prava od strane uposlenika Centra, uz obilazak Vijećnice i prostrije Centra.

Služba za poslove Informativnog centra aplicirala je na projekat koji će se realizovati u saradnji sa Fondacijom KAS kako bi obezbijedili takmičenje studenata iz poznavanja rada Haškog tribunala i Informativnog centra, gdje bi im se obezbijedila vožnja žičarom, obilazak Vijećnice i Centra te prigodne nagrade za najbolji literarni rad i slikanje od čega bi se kreirala brošura.

U julu mjesecu Služba za poslove Informativnog centra planirala je obilježavanje 27. godišnjice genocida u Srebrenici kroz izložbu fotografija MEMENTO i audio svjedočenja preživjelih i porodica žrtava genocida. To je projekat usmene historije i fotografska izložba koja predstavlja donirane predmete od strane osoba koje su preživjele genocid u Srebrenici. Obzirom da sredstva nisu planirana u Budžetu, služba će pokušati aplicirati na javne pozive u cilju pokušaja obezbjeđivanja finansijskih sredstava za realizovanje izložbe.

U augustu mjesecu planirana će biti Međunarodna ljetna škola, a u saradnji s Pravnim fakultetom i Informativnim centrom jedan dio zimske aktivnosti realizovat će se u prostorijama ICS sa domaćim i inostranim studentima gdje će biti održavanja predavanja u vezi međunarodnog krivičnog i humanitarnog prava od strane uposlenika Centra, uz obilazak Vijećnice i prostrije Centra u trajanju od 7 dana uz gostujuće predavače.

U 2022. godini Služba će nastaviti sa aktivnostima na uspostavi saradnje sa univerzitetima u BiH i regiji, naučnim ustanovama, nevladinim organizacijama i slično. S tim u vezi, planirana je i uspostava međunarodne saradnje sa Nürnberškim memorijalom i Memorijalom muzejom u Auschwitzu. Pored navedenog, Centar će staviti na raspolaganje i korištenje bibliotekarskog fonda ustupljen od Tribunala, a redovno će pružati usluge svim zainteresovanim subjektima u pogledu pretraživanja baza MKSJ-a. Saradnja uspostavljena sa Pravnim fakultetom u Sarajevu i Sudom BiH nastavit će da se realizuje utvrđenom dinamikom.